





A
I
2



NE S

, ET

TIO-

ICO-

IN



STRO

TIO


Anta

Lin



post. 168

privilegio -




VITT. EMANUELE



A
I
5





CONSTITVTIONES

PRO SPIRITVALI, ET
TEMPORALI DIRECTIO-
NE INSTITVTI CLERICO-
RVM SÆCVLARIVM IN
COMMVNE VIVENTIVM

APPROBATA



A SANCTISS. D. NOSTRO

INNOCENTIO

PAPA XI.

*Demg S^{ti} Pantaleon
Schola*



Carne



ROMÆ, Typis Rev. Cam. Apost. 1684.

Superiorum facultate, & privilegio.

Ex libris S. Thomæ de vrb.

Handwritten text, likely a signature or name, appearing in two lines. The top line is written in a cursive script, possibly reading "Handwritten" or "Handwritten". The bottom line is also in cursive, possibly reading "Handwritten".

3
CONSTITUTIONVM
PRO SPIRITVALI, TEM-
PORALIQUE INSTITVTI
CLERICORVM SÆCVLA-
RIVM IN COMMVNE VI-
VENTIVM DIRECTIONE.

P R O O E M I V M.

Quemadmodum Institutum Clericorum Sæcularium in commune viventium, à Sancta Sede Apostolica jam approbatum, tria præcipuè intendit: primò juventutis in virtutibus, & necessarijs studijs (cõformiter Sacro Tridentino Concilio sess. 23. de reformatione cap. 18.) institutionem, ut hac viâ semper boni Clerici, ad præscriptam in hoc Instituto vivendi normam educandi & instituendi, in Ecclesiâ Catholicâ ad procurandam salutem animarum haberi possint. Secundò privatam Clericorum, sive Sacerdotum Curatorû, & in alijs

beneficijs actu existentium directionem, quâ Deo benedicente contra graviora pericula sæculi cum Clericalis ordinis decore securè subsistere valeant. Tertiò curam Sacerdotum senum, aliorumque ex quocunque casu, seu defectu ad munia, & functiones Ecclesiasticas inhabilium. Ita & constitutiones præsentis pro directione Superiorum ejusdem Instituti in tres partes, eo, quo sequitur ordine in Bullâ approbationis distinguuntur; incipiendo parte primâ de directione juventutis. Quâ viâ delectus bonæ juventutis pro Seminarijs haberi possit &c. uti in contextu Constitutionum.

INNOCENTIVS³

P A P A X I.

Ad perpetuam rei memoriam.

Sacrofancti Apostolatus Officium ,
quo Catholicæ Ecclesiæ per uni-
versum terrarum orbem diffusæ regi-
mini , meritis licet & viribus longè
impares , divinà dispositione præside-
mus , salubriter exequi auxiliante
Domino jugiter satagentes , pia Pres-
byterorum , & aliorum Clericorum
propriæ , alienæque salutis laudabili-
ter incumbentium Instituta paterno
favore libenter prosequimur , & illis
quæ pro felici eorum directione pro-
vidè prudenterque constituta , atque
ordinata esse noscuntur , ut firma sem-
per atque illibata persistant , Aposto-
lici muniminis adjungimus firmita-
tem . Aliàs siquidem pro parte dile-

eorum filiorum Clericorum Sæcularium in communi viventium nobis exposito, quod Anno M.DC.XL. operà tunc in humanis agentis Bartholomæi Holtzhauser inchoatum fuerat eorum Institutum, quod Deo opitulante in dies adeò excreverat, ut non tantum à bo. mem. Ioanne Philippo dum vixit Archiepiscopo Moguntino, Sacri Romani Imperij Principe Electore, sed etiam ab alijs pluribus Archiepiscopis, & Episcopis in eorum Diœceses receptum, & expresse approbatum extitisset: & in eadem expositione subjuncto, quod Institutum prædictum sub immediatâ jurisdictione Ordinariorum, ac directione unius Supremi Præsidis, prout dicti exponentes eisdem suberant, salubriter ordinatum, ac pro felici ipsorum exponentium & Instituti huiusmodi directione, rectâque juventutis institutione nonnullæ Constitutiones factæ fuerant: Nos supplicationibus eorundem Clericorum Sæcularium, & aliorum

Bulla Confirmationis. 7

rum nomine nobis super hoc humiliter porrectis inclinati, Institutum prædictum sub immediatâ jurisdictione Ordinariorum, & directione unius Generalis Præsidis, ac Constitutiones præfatas, toto illarum tenore inserto, auctoritate Apostolicâ confirmavimus & approbavimus. Ac eisdem Clericis Sæcularibus alias Constitutiones prædictis non contrarias pro spirituali, temporalique dicti Instituti directione ab hac Sanctâ Sede postmodum approbandas condendi facultatem impertiti sumus, & aliàs prout in nostris desuper in simili formâ Brevis die vij. Iunij M.DC.LXXX. expeditis litteris, quarum tenorem præsentibus pro plenè & sufficienter expresso, ac de Verbo ad Verbum inserto haberi volumus, uberius continetur. Cum autem, sicut Clerici Sæculares in communi viventes prædicti denuo nobis nuper exponi fecerunt, aliæ Constitutiones hujusmodi pro felici prosperoque tam in spiritualibus,

A 4

8 *Const. pro direct. Iuven.*

bus, quàm in temporalibus Instituti
præfati, & sub illo nunc & pro tem-
pore Deo Militantium regimine &
gubernio conditæ, & in tres partes di-
stributæ fuerint, quarum tenor à

P R I M A

PRIMÆ PARTIS

QVÆ AD DIRE-
CTIONEM STUDIOSE
IVVENTVTIS ET SEMI-
NARIORVM PERTINET,
CONSTITVTIONE INCI-
PIENDO, EST QVI SEQVI-
TUR, VIDELICET:

SVperiores in susceptione singulo-
rum Adolescentum providè at-
tendant, ut tam innocentia integros,
quàm ingenio & indole præstantiores,
servatis servandis, admittant, in hunc
fi-

finem ad puerorum ingenia in oppidis & alijs locis à Sacerdotibus circumspiciatur, qui ex omnibus ad propositum hujus clericalis vitæ habiliores videantur .

I I.

Deindè aliqui bonæ indolis Pueri ad Domum Sacerdotum in Parochijs, cum consensu parentum recipiantur, & in certis locis tam hi, quàm alij Adolescentes à Sacerdotibus in rudimentis & Grammaticà informantur, ut pro receptione ad Seminaria qualificentur .

I I I.

Vt exclusis ineptis aut indignis talis delectus fiat, Superiores studeant accuratam suscipiendorum notitiam præhabere, ne dimissio post faciendam damno, aut cuiquam oneri sit.

I V.

Suscipiendi, quantum fieri potest, habeant vehemens quoddam desiderium studendi, præstantis, aut saltem mediocris sint ingenij, pietate in

Deum, ac devotione erga Deiparam, speciem filiorum Dei de se præbeant, naturalis eorum indoles ad virtutum viam facilè flexibilis sit.

V.

Animo ità sint composito, & supra sæcularia desideria humiliter elato, ut modestiam, submissionem intellectus, & voluntatis flexibilitatem practicam ostendant, moderata quoque iræ, & aliarum passionum temperies, filialis quidam affectus erga hoc Institutum ita in illis elucere debet, ut prudenter conijci possit, quod fructuosè, & filialiter hunc clericalem statum suo tempore sint exornaturi.

V I.

Priusquàm ad seminaria suscipiantur, Superiores notiçiam Parentum, educationis puerorum, aliarumque circumstantiarum, item Testimoniales studiorum, & natalium habeant; fiat examen practicum studiorum, & alia omnia observentur, quæ pro seminarijs præscribi solent. Quibus
per-

Delectus Iuven. ad Semin. II

peractis admittēdi Superioribus hujus Instituti simplicem promissionem faciant, quod in hac Clericali vita, quantum fieri potest, ad dies vitæ vivere intendant; ita tamen, ut si in progressu temporis sub studijs à proposito ex rationabili causa recederent, solum modò sumptus eorum sustentationis causà factos refundere obligati sint, nisi paupertas excuset, aut qui ditiores sunt ob morbum, vel aliam rationabilem causam, & non ex culpa, aut proprià voluntate eorum dimittantur.

*Adolescentes in Seminarijs in tres
studiorum Classes distribuendi,
eorundemque obligatio
ad hoc Institutum.*

V II.

VT Iuventutis educatio debito ordine instituatur, illa in tres classes studiorum distribuatur, per
A 6 quas

quas tanquam per gradus Iuvenilis animus ad scientiarum, & virtutum, viam in ordine ad Clericalem statum sursum ducatur.

VIII.

In prima Classe erunt Adolēscētes tonsurā Clericali insigniti à syntaxi usque ad Rhetoricam inclusivè, & hæc prima classis pro qualitate mediorum ordinanda erit. Secunda classis complectitur Philosophos à principio usque ad finem Philosophiæ, qui susceptā tonsurā Clericali se dignos reddiderint, ut jam solidiùs in disciplina, & scientijs adolescant.

IX.

Vt prædicti Adolēscētes sic admitantur, requiritur primò, ut singulis annis gradum ad altiore[m] scholam fecerint, & in summo vel saltem mediocri gradu docti ex Rethorica ad philosophiam sint promoti. Secundò, ut quantum fieri potest, sint in æquali ætate. Tertiò, ut illud specimen morum, maximè fraternę concordie, mo-

modestix & obedientix dederint , quod solidam spem faciat , eos strenuos hujus Clericalis vitæ , & Ecclesiæ Catholicæ milites evasuros . Quartò , ut revelationem sui hominis interioris filiali candore eos fecisse judicetur . Quintò , ut zelum animarum , pietatem erga Deum , & Sanctos , & affectionem erga res cœlestes habere , agnoscantur . Sextò , ut nullum Canonicum impedimentum , vel corporis deformitatem , ac defectum contraxerint , quæ huic Clericali statui damno-
sa esse possint : In defectu autem prædictarum qualitatum potius maturè dimittendi erunt : prædictis verò concurrentibus , & promissione Superioribus hujus Instituti factà quod in hac Clericali vita constanter vivere velint , ad secundam Classẽ admittentur .

X.

In tertiã classe continentur Theologi , Canonistæ , alijque à fine Philosophiæ usquẽ ad Sacerdotium , qui tales vitæ & moribus extiterint , ut de illorum

rum

rum Clericali vocatione rationabiliter dubitari non possit: & hi susceptis minoribus ordinibus juxta studia publica in Vniversitatibus, Domi, sive in Seminarijs, potissimum in ijs, quæ ad salutem animarum procurandam, necessaria sunt, informabuntur.

XI.

Priusquàm verò ad eam admittantur, per juramentum ad hoc Institutum se obligabunt, ita quidem ut qui alumni simul fuerint in Seminario cujusdam Ordinarij, vel alterius Patroni, Instituto concredito, adinstar illorum ab Archiepiscopo Moguntino, & Episcopo Herbipolensi, & Augustano Instituto concreditorum, utroquè respectu tam erga Ordinarium loci, quàm erga Institutum sequenti formulà id præstent.

XII.

Ego N. filius N. Diœcesis N. Seminarij N. Alumnus, plenam habens Instituti Clericorum Sæcularium in Commune viventium, & hujus Semi-
na-

narij statutorum notitiam, legibus & constitutionibus utriusquè me spontè subijcio, easquè, quantum in me erit, observare promitto. Insuper spondeo, & juro me sub jurisdictione Reverendissimi (vel Eminentissimi) Domini Ordinarij mei, seclusà omni exemptione in supradicto Instituto Clericorum, qui secluso fœminarum consortio bini, vel plures pro locorum qualitate cohabitant, & bona sua ex beneficijs & functionibus Ecclesiasticis provenientia in communes pios usus, juxtà constitutionem 19. Sacerdotum conferunt, atque sub privatà, & œconomicà unius Superioris directione vivunt, sive intra sive extra Seminarium semper victurum, & moriturum. Insuper spondeo, & juro, quod dum in hoc Seminario permanebo, vel alibi applicatus fuero, siurgens necessitas à Superioribus hujus Instituti approbata, mutationem statûs postulare, nullam Religionem, Societatem, aut Congregationem regularem, vel

vel etiam quemcunque statum sine speciali ejusdem Reverendissimi Domini Ordinarij mei licentiâ ingredi. Denique spondeo, & juro me prædictum Iuramentum, ejusque obligationem intelligere, & observaturum. Sub die N. Mensis N. Anno N. sic me Deus adjuvet, & hæc Sancta Dei Evangelia.

XIII.

Qui verò alumni in Seminarijs Ordinariorum non fuerint, & in Seminarijs huic Instituto proprijs educantur, Iuramentum in formula sequenti præstabunt.

Ego N. Filius N. Diœcesis N. plenam habens Instituti Clericorum Sæcularium in commune viventium notitiam, legibus & constitutionibus ipsius me spontè subijcio, easque, quantum in me erit, observare promitto. Insuper spondeo, & juro, me sub directione privata, & œconomica Præsidis supremi, ejusquè in hoc munere legitimis successoribus, salvâ per
om-

omnia Reverendissimi Dñi Ordinarij mei auctoritate, & Iurisdictione, in supradicto Instituto Clericorum, qui secluso sceminarum consortio bini, vel plures pro locorum qualitate cohabitant, & bona sua ex beneficijs, & functionibus Ecclesiasticis provenientia in communes pios usus juxta constitutionem 19. Sacerdotum conferunt, semper victurum & moriturum. Insuper spondeo, & juro, quod dum in hoc Seminario permanebo, vel alibi applicatus fuero, siurgens necessitas à Superioribus hujus Instituti approbata mutationem statũs postularet, nullam religionem, Societatem, aut congregationem regularem, vel etiam quemcumque statum, sine speciali supremi Præsidis hujus Instituti licentiã, ingrediar. Deniquè spondeo, & juro me prædictum Iuramentum, ejusque obligationem intelligere, & observaturum. Sub Die N. Mensis N. Anno N. sic me Deus adjuvet, & hæc S. Dei Evangelia.

XIV.

Iuramento prædicto non obstante, facile autè susceptos majores Ordines circa finem studiorum suscipiendos, ob rationabilem causam adolescentes ad Sæcularem statum, habità debità licentià à Superioribus hujus Instituti, & insuper si Alumni sint à Reverendissimo Ordinario, transire poterunt, nè inviti, aut gravem difficultatem sentientes ad statum Clericalem trahantur, in quo postea ad scandala declinent; Solutis prius sumptibus sustentationis, nisi illis in hoc casu pro parte, aut ex integro condonentur.

De rebus Spiritualibus, & alijs in quibus Adolescentes juxta Curriculum studiorum in Seminarijs informandi sunt.

XV.

Iuxta Classium prædictarum distinctionem Juventus etiam tres vias spi-

spirituales tenebit: videlicet viam purgativam, in qua ad vitæ innocentiam, ad moderandas passiones, ad fugienda peccata pro cuiusque ætate, & datâ gratiâ fedulò impellantur; Viam illuminativam in qua dogmata fidei nostræ Catholicæ, universæque doctrinæ Christianæ principia, & proprii sui hominis interioris cognitio, unâ cum facilioribus rectè vivendi regulis, ipsis ex proposito maturè instillantur: Viam deniquè perfectivam, in qua ad consequendam perfectionem status Clericalis sibi possibilem, & Ecclesiæ salutarem conabuntur.

X V I.

Vt adolescentes in prædictis instituantur, saltem singulis diebus Dominicis à meridiè per horam in loco cuiusque classis Pater Spiritualis certam materiam ita succinctè & clarè tractabit, ut singuli terminorum, seriem memoriæ tradere, & prædictarum viarum scientiam successivè facili negotio assequi valeant.

X V I I.

Ante omnia Magistri virtutum. Adolescentes primæ classis instruant de rectâ intentione in examine, alijsquæ exercitationibus spiritualibus persolvendis, quomodò sub sacrificio missæ spiritualitèr communicare possint; In scientia quoque rerum cœlestium ex professo à Patre Spirituali probè perito informentur. In Doctrina Christiana principia fidei uberitùs quàm in communi parvulorum Catechesi fieri solet ex Catechismo Romano per ordinem ijsdem trandantur, uti & significatio Sacrarum cæremoniæ, virtus Sacramentalium, & similia.

X V I I I.

Contra insidias hostium spiritualium cautè roborentur per instructionem cognitionis sui ipsius, & diversarum tentationum notitiam, in quem finem inserviet libellus B. Salesij philothea dictus, & ille qui de imitatione Christi inscribitur, ex quibus Pater
spi-

spiritualis, uti etiam ex materia de discretione spirituum clientes suos prudenter informabit.

X I X.

Pariter Magistro Spirituali curæ sit, ut ex cognitione Dei, & beneficiorum ejus clientes suos ad divinum, & filialem amorem; ex præstantia & benignitate B. V. M. ad ejusdem devotionem; ex custodia Sanctorum Angelorum, & meritis Sanctorum, ad eorum cultum, ac Patronorum electionem; ex quatuor novissimis, & pœnis impiorum ad timorem Domini; ex notitia passionum ad propriam cognitionem; & ex hac ad sui ipsius contemptum, & diffidentiam: atque ex alijs virtutibus spiritualibus ad studium rerum cœlestium impellantur; super quæ tanquam rudimenta, solidæ virtutes successu temporis ædificantur.

X X.

Ut Adolescentes secundæ classis in via spirituali progrediantur, à Patre Spirituali in modo meditandi instruan-



struantur, & non tantum præcepta
 meditandi tradat, verum etiam in
 praxi ostendat, quomodo ex particula-
 ri themate meditatio ordinanda sit;
 materias quoque subinde eisdem desi-
 gnet, eamque in puncta dividat; per-
 actà quoque meditatione examen de-
 super instituat, in quo successus exami-
 netur, & errores per utilia documenta
 ostendantur; ea verò materia pro hac
 classe studiorum ex doctrina & vita
 Christi, & Sanctorum desumatur, quæ
 ad extirpationem vitiorum, & solida-
 rum virtutum implantationem ordi-
 nata visa fuerit.

XXI.

Post instructionem de modo medi-
 tandi, Pater Spiritualis ad traden-
 dam Christi anarum virtutum, & op-
 positorum vitiorum doctrinam pro-
 gredietur, quam ex materia de Chri-
 stiana Clericorum perfectione desu-
 met, instruendo clientes suos; primò
 in virtutibus theologicis ex quibus
 Deum timere, & diligere addiscant;
 de-

deindè naturam & finem virtutum Cardinalium, quæ sunt veluti columnæ salutis nostræ, eosdem instruat, non minùs de vera humilitate, patientiâ, & abnegatione propriæ voluntatis, earumque oppositis defectibus informentur; & deniquè in omnibus alijs virtutibus quibus homo interior in ordine ad salutem æternam perficitur; medium quoquè discretionis in omni virtute perspicuis rationibus, & exemplis practicè edoceantur, ne ad extrema deflectant.

XXII.

In hunc finem inserviet libellus qui inscribitur pugna spiritualis à S. Francisco Salesio summo opere commendatus, accedente practicâ instructione, Patris Spiritualis ad pugnandum contra passiones & vitia per virtutes oppositas, præsertim contra vitium quoddam particulare, super quo, ejusque virtute oppositâ exercendâ etiam particulare examen frequentius instituentum erit, in quibus, & in omni aliâ

congruà occasione pater spiritualis clientibus suis practicum exercitium ad manus dabit .

XXIII.

Ex singulis erroribus occasio erudiendi, & contra vitia pugnandi, propositumquè in posterum formandi, adolescentibus à Patre Spirituali ad manus detur, eà practicâ instructione quâ virtutis via, & ipsum exercitium congruà perspicuitate pateat, & animus ingenuus cum facilitate & iucunditate ad illud inducatur. In quem finem Pater Spiritualis cum clientibus suis toties colloquium particulare instituet, quoties singulorum indigentia propria requireret, exercitia quoquè spiritualia annua statuto tempore eisdem præscribet.

XXIV.

Adolescentes tertiæ classis vocationis suæ clericalis scopum mature cordi habentes, viæ perfectivæ se accingant, ut eorum homo interior, & exterior in omnibus ijs qualitatibus perficiat.

ficiatur, quæ in ordine ad salutem proximorum imprimis ordinantur, ut jam non solum sibi, verum etiam alijs vivere & studere incipiant.

X X V.

Postquam in reformatione hominis sui interioris ritè instructi fuerint, viæ regiae virtutum insistentes ad reformandum suum hominem exteriorem convertentur, eas virtutes, & qualitates sub directione Patris Spiritualis sibi comparando, quæ in statu Clericali ad vitam activam in hoc sæculo necessaria sunt, in quem finem informabuntur per ordinem in exercitio externarum virtutum, qualiter se erga omnis generis homines christianè exhibere debeant, similiter de discretionem spirituum, & universo officio pastoralis in multà charitate, præstando, practicè erudiantur, ut in singulis actionibus secundum unam, uniformemque normam se moderari sciant.

XXVI.

Primum locum in ordine doctrinæ discretio obtinebit, tanquam moderatrix humanarum actionum; & cum duo hominem exteriorem in ordine ad vitam activam perficiant: primò ipsæ virtutes, secundò modus operandi ad extra, adolescentes in utroque informandi sunt. Inter virtutes, quoad modum instruendi Inventutem, prima est mansuetudo hominis Christiani, consistens in verbis & actionibus, quæ erga omnes omni occasione superabundare debet; deinde humilitas conjuncta tamen cum decore vestium, actionum, verborum, & totius hominis venustate, personæque sacræ gravitate.

XXVII.

Tertium locum affabilitas sibi vindicat, ut cum Christiana suavitate ad ædificationem conversatio fiat: cujus comes est Modestia, plurimarum rerum moderatrix, quæ effusionem nimiam sui ipsius coërcet. Sequi-

quitur eutrapelia, ut cum iucunditate recreationi locus detur: deindè charitas externa, quæ præ se alijs cedit, in multis condescendit, pacem cum omnibus habet, & alios obsequijs prævenire gestit, neque est sensitiva, aut apprehensiva.

XXVIII.

Præterea modum rectè operandi ad extra, aliæ quædam virtutes principales discretum reddunt, quæ sunt prudentia, fortitudo spiritus, iustitia, temperantia, & circumspèctio.

XXIX.

Inter objecta operandi ad extrâ conversatio utilis in omni occasione, & quæstione propositâ cum omnis generis hominibus primum locum obtinet, cui succedit modus catechizandi parvulos, cum ratione, & dexteritate: item modus docendi scholas particulares, ut adolescentes ingenio præstantes in doctrina proficiant: item discretio spirituum, ingeniorum, & naturarum.

Præsertim verò modus audiendi confessiones, juvandi animas, agendi cum ægrotis, scrupulosis, & desperabundis, pusillanimibus, melancholicis, & alijs hominibus, qui vel corpore, vel sensu, vel animâ periclitantur: quâ scilicet dexteritate ad eorundem medicinam salutarem, & ædificationem sit agendum, cui succedit modus concionandi, & perorandi, ut animæ utiliter, ac nervosè sale verbi Dei condiantur: Sequitur modus administrandi res temporales, ut cum debita dexteritate & discretionem, sinè nota avaritiæ, & prodigalitati in omnibus agatur. Denique modus regendi sibi subditos tam sæculares in beneficijs curatis, quàm ipsosmet hujus Instituti Clericos cum moderatione, dexteritate, charitate ad ædificationem.

*De quotidianis exercitationibus ,
frequentatione scholarum ,
& repetitione do-
mesticà .*

XXXI.

SVperiores enixè laborent quatenus Adolēscētes omni tempore honestā aliquā occupatione à vago mentis intuitu & otio revocent : In quem finem distributio diurni temporis in quovis Seminario ordinetur, quæ ejusmodi (mutatis mutandis) esse poterit .

XXXII.

Manē surgentes statuto tempore, ea observent, quæ in stationibus sunt præscripta; quibus finitis Adolēscētes inferiorum scholarum per quadrantem horæ lectionem spiritualem instituunt : studiosi verò secundæ & tertiæ classis per mediam horam meditentur; deindē omnes simul Sacrifi-

cio Missæ devotè intersint: reliquo tempore studijs invigilent usquè ad tempus frequentandi scholas: post scholas, si tempus supersit, studia continuabunt: uno quadrante ante prandium litanias omnium Sanctorum juxta stationes persolvant: sub prandio & cœna studiosi tertiæ classis per ordinem legent scripturam, sacram, constitutiones, aliosque libros asceticos, juxta Superiorum dispositionem: studiosi verò secundæ classis per ordinem ad secundam mensam legent.

XXXIII.

Post prandium recreatio uniformitè ab adolescentibus observetur, finitâ recreatione aliquid temporis addiscendo cantui tribuant: Theologi verò maturiores pro illo tempore in cæremonijs & ritibus sacris exerceantur: postea rursus studijs invigilabunt, itâ tamen ut Theologi per quadrantem horæ ante studia in Sacræ Scripturæ explanatione se exer-

ceant:

Exercit. & repet. pro Iuven. 31

ceant: finita frequentatione scholarum assignato tempore studia vel repetitiones fient: uno quadrante horæ ante cœnam pro meditatione sequentis diei se præparabunt: Post cœnam diebus veneris & Sabbathi breve colloquium spirituale paulò ante rosarium instituetur.

XXXIV.

Diebus festis & Dominicis tam sacrum solemne, quàm concio captui & fructui adolescentum accommodata in Seminarijs pro adolescentibus trium harum classium habeatur; reliquum tempus pro Superiorum Ordinatione utiliter impendant.

XXXV.

Prædictis his diebus, finita scholâ spirituali, & Vesperis cantatis, exercitia reliqua ut diebus alijs perficient. Cœterùm ad Divina Officia, aut conciones foris frequentandas non facilè emittantur; sub cœna locutionis theologi per ordinem suc-

cinctum Sermonem per modum concionis in lingua vulgari habebunt.

XXXVI.

Ad scholas publicas, ubi adsunt, cuiusquè loci, audito priùs domi sacro mittentur, servato à Rectoribus Gymnasiorum & Vniversitatum præfixo tempore. Ad scholas per plateas bini modestè incedant, ac finitis scholis sic revertantur prudentiore, semper direttore constituto. In scholis seorsim eà modestià sedeant, ut alijs morum exemplum præbeant.

XXXVII.

Vt Adolescentes primæ classis solidiùs in studijs progrediantur, ijs Pedagogos quosdam domesticos pro repetendis lectionibus & conficiendis argumentis superiores adjungant, qui eisdem pariter in disputationibus domesticis præsent, & in studijs suis per omnia ad debitum profectum sedulà diligentia eosdem excolant.

XXXVIII.

Philosophi præter privatas inter se

re-

Exercit. & repet. pro Iuven. 33

repetitiones, singulis septimanis determinatâ die, repetitionem omnibus præsentibus per ordinem habebunt, & in fine studiorum suorum, prævio examine domestico, nisi ad publicas in Vniuersitatibus defensiones fuerint admissi, saltem in Seminario ex universo studio suo theses defendent.

X X X I X.

Adolescentes tertiæ classis, ex theologiâ speculativâ, statuto die unâ horâ repetitionem instituant; similis repetitio saltem singulis mensibus semel, distinctis diebus instituetur ex theologiâ Morali, jure Canonico, & studio controversistico, juxta particularem superiorum ordinationem; uti & scripturæ sacræ expositio, repetitio pastoralis; pro quibus utiliter expendendis universo studiorum negotio præficiatur unus Sacerdos, qui in singulis studijs aptior ad hoc præstandum judicabitur.

*De Oeconomica Ordinatione Semin-
narium, victu, & vestitu
Adolescentium.*

X L.

VNiversim Superiores pro viri-
bus laborabunt, ut Seminaria
bene sint ordinata, eorumque debita
cura habeatur; Pro custodia domus
ac Ianuæ homo laicus fidelis & ma-
turus constituatur, qui sinè expressa
Superioris licentia extraneos ad
Adolescentes in domum non intro-
mittat, aut Adolescentes exire per-
mittat; coqui & alij domestici pari-
tèr sint fideles, maturi, patientes, &
charitativi.

X L I.

In communi oratorio, & refecto-
rio suas consuetas preces omnes per-
solvant, ac refectiorem sumant; cœ-
tera in tres contignationes distin-
guantur, & in singulis singularum,
Clas.

Ordinatio Semin. in temporal. 35

Classium juvenus in uno amplo Musæo, vel duobus cohabitent, ibique repetitiones solitæ peragantur.

X L I I.

Pariter unum vel duo dormitoria in quavis contignatione, cum annexa camera Magistri spiritualis constituentur; ita ut in dormitorio omnes & singuli, cum certa interdistingtione secundum debitam honestatem, extra conspectum mutuum seorsum dormiant.

X L I I I.

In victu, vestitu omnes æqualitèr habeantur, & ingenuè eatenus tractentur, quatenus animorum ingenuitas, ad superandos studiorum labores, magis jucunditate, quàm servili timore excitetur.

X L I V.

Vnde mensa quotidiana frugalis erit, ut non solum temperantiam, unà cum verà ingenuitate ab adolescentia imbibant, sed etiam bonam corporis complexionem, animumque

alacrem acquirant. Color vestium perpetuò niger sit; qualitates autem cœteræ nullam vanitatem, aut inæqualitatem, vel luxum, sed magis honestatem, & modestiam demonstrent.

X L V.

Pro servando debito in omnibus ordine, sit in quovis Seminario horologium, & campanula exactæ temporis distributioni serviens; sit item infirmaria ex qua ad Oratorium fiant fenestræ per quas infirmi quotidianum sacrum, ac preces reliquorum valeant percipere.

X L V I.

Superiores debitè attendant ad Bibliothecam, vestiarium, dormitoria, cellam, culinam & similia: claves ad portam Seminarij noctu Director habeat.

De distinctione, receptione, & fundatione Seminariorum.

X L V I I.

Seminaria Iuventutis possunt esse Pontificia, & alia his similia, pro Clericis & animarum curatoribus ad quasvis mundi partes mittendis; vel Regum ac Principum pro certis Regnis & Provincijs; vel Archiepiscopalia, & Episcopalia pro Archidiecepsi, aut ampliore Dicecesi; & denique Seminarium propria huius Instituti erecta & fundata per patronos, & per media communitalis, præcisè pro hoc Instituto; quorum ultimum, quoad media foundationis, plenum Dominium penès idem Institutum erit; Quoad reliqua Seminarium, quorum Dominium vi foundationis, ad Patronos spectat, vel Patroni certa media pro fundatione stabili huic Instituto, aut tantum certos annuos pro-

proventus Directoribus Seminario-
rum consignare poterunt, ex quibus
certus studiosorum numerus susten-
tetur.

X L V I I I.

Adolescentes, qui vi Alumnatus ad
certas Diœceses, aut Provincias
obligantur, non nisi ex speciali favo-
re patroni, in casu alicujus specialis
necessitatis, aliò mitti possunt; sub-
stitutà tamen si ita Patronus requirat
alterà personà qualificatà. Educati
quoque in Seminarijs huic Instituto
proprijs, etsi ad certam Diœcesim,
non obligentur, regularitèr tamen in
territorio, ubi Seminarium situm est,
manebunt, & quando illa Diœcesis
indiget, eidem inservient; ita tamen
ut in casu necessitatis ad quæcumque
loca ex ordinatione Superiorum,
hujus Instituti mitti possint.

X L I X.

Media pro fundandis Seminarijs
eidem Instituto proprijs haberi pos-
sunt, vel ex collatione reddituum,

Ec-

Ecclesiasticorum juxta Constitutionem 19. Sacerdotum, aut ex bonis hæreditarijs ex libera voluntate sic applicandis, aut demum ex illis, quæ à Patronis spontè conferuntur: Itamen ut personæ particulares hujus Instituti ex redditibus suis primò propriæ Parochiæ, seu beneficij oneribus sufficienter prospiciant, & superiores ex medijs in massa communijam collectis alijs Instituti æquè vel magis necessarijs communibus oneribus similiter prospiciant.

L.

Vbi Seminaria jam fundata existunt, quæ Directioni Superiorum hujus Instituti ejusdem fini conformiter tradere placebit; si media fundationis non sufficiant, prò integritatis exigentia, media communitalis (si ad manum fuerint) eà conditione authentico instrumento adjecta applicari poterunt, ut casu quo ejusdem Seminarij directio à Clericis Instituti non continuaretur, Supremus Institu-

ti.

ti Præses, bona illa, quæ Institutum de suis adjecit, liberè alio transferre possit & valeat.

L I.

In acceptandis Seminarijs, traditio fini hujus Instituti non sit contraria; reliquæ conditiones fundatoris arbitrio manent subjectæ; ut inhabiles excludantur, Adolescentum susceptio, & eorum directio vel plenè à Patronis, Superioribus Instituti concedatur, vel saltem ut ipsidem à Patronis jus, & potestas fiat, ipsis idonea subjecta nominandi, prævio accurato examine, & probatione sufficiente, quatenus sic digniores à Patronis recipiantur, qui recepti in Instituto vivere tanquam vera ipsius membra postmodum obligati maneant.

L I I.

Quod si Ordinarij locorum annuaratiocinia à Directoribus Seminariorum petant, uti & per se, aut per alios visitando domesticam gubernatio

tionem juxta dispositionem Concilij Trid. sess. 23. de reform. cap. 18. inspicere volueriat, id constitutionibus à S. Sede Apostolica confirmatis conformiter fiat; ita tamen ut de redditibus Seminarij nihil alienare possint, & in alios usus convertere.

L I I I.

Superiores cujusque Seminarij præter mensam certum aliquod salarium habeant, si aliter de competente beneficio Ecclesiastico provisi non fuerint, cætera verò quæ ex communi massa per annum restabunt, in iisdem Seminarijs pro futuris eventibus ac necessitatibus asservabuntur; quod intelligitur, si modò continua talis Seminarij administratio hujus Instituti Clericis relinquatur; cæteroqui enim talia dispositioni Superiorum, hujus Instituti reservabuntur, quorum proinde calculus eisdem quorvis visum fuerit, per modum ratioeini exhibendus erit.

L I V.

In casu dimissionis alicujus è Seminario, si restitutio sumptuum facienda sit, fiet Seminarijs Patronorum, in quibus tantum certa portio pro sustentatione adolescentum per annum assignatur; in alijs verò Seminarijs in quibus bona foundationis ad Institutum spectant, talia ad massam communem illius Seminarij tradantur, ut alij Iuvenes exinde sustententur. Ratiocinia in præsentia Patronorum Ordinarijs exhibenda, juxta constitutionem § 2.

*Ubinam Semina esse debeant,
& cujus nationis adolescentes
in iisdem sint educandi.*

L V.

Ordinarie in quavis ampliore
Diecepsi, ac à potiori in quavis
Archidiecepsi unum Seminarium, &
(quan-

(quantum fieri potest) juxta eas Aca-
demias & universitates habeatur, vel
erigatur, ubi studia & disciplina
abundantiùs floreant, ita tamen ut
Seminaria ultra necessitatem non
multiplicentur; quod si in tali distri-
ctu nulla universitas esset, in qua
scholæ majores ab ijs doceantur, qui
docere solent, tum Sacerdotes hujus
Instituti in tali casu tam sacras,
quàm profanas litteras docebunt.

L V I.

Cum Sacerdotes & Clerici hujus
Instituti sub Jurisdictione Ordinatio-
rum, tanquam veri, & simpliciter
propriequè dicti Clerici parati sint
in toto terrarum Orbe curam anima-
rum administrare, mediantibus me-
dijs temporalibus, ab Ordinarijs lo-
corum, vel aliundè pro formandis
Seminarijs deputatis & collatis (ad
quod præstandum dictos Clericos
sumptibus suis impares esse per se
constat) ut per bonam instructionem
juventutis ad Seminaria ordinariè
ado-

44. *Const. pro direct. Iuven.*

adolescentes propriæ patriæ assu-
mantur, qui sint ad omnem laborem
impigri, ac patrio solo assueti, ut sub
hac ipsa disciplina usquè ad mortem
subsistant.

L V I F.

Cùm solida & stabilis disciplina
pro bonis Clericis, & curatis for-
mandis in domo in qua diversæ con-
ditionis, statûs, ordinis, & voca-
tionis adolescentes commorantur,
servari non possit, ideò ad Seminaria
hujus Instituti propria, vel Ordina-
riorum presbyteris hujus Instituti
concredita nullus suscipiatur qui in
hoc Instituto non velit, vel actu vive-
re, vel animum saltem sic vivendi ha-
beat. Quod si tamen ex gravissima
causa convictores quidam suscipien-
di forent, iidem expressâ hac condi-
tione, & non aliter suscipiantur, ut
in Seminario disciplinæ domesticæ
per omnia & in omnibus absquè ul-
la prorsus exemptione se accommo-
dent.

Non

Non obstante quod adolescentes ad Seminaria suscipiendi ordinariè (nisi excellentia talentorum, & circumstantiæ graves contrarium suadeant) ejus nationis esse debeant, in quo loco suscipiuntur, inter adolescentes tamen sub studijs transplan-
tatio, quoad diversas nationes sic fieri poterit, ut finitis studijs ad Seminaria in Terris proprijs revertantur. Excipiuntur quoque Seminaria fundata eà intentione, ut sic educati ad quasvis mundi partes, vel ad loca hæretica mittantur cum Ordinariorum consensu; si ea in eorundem Diœcesibus sunt, vel ad alia, cum S. Sedis Apostolicæ licentia: ad hæc enim juvenes diversæ nationis insignes, præfertim qui sub disciplina hujus Instituti alibi in Seminarijs jam vixerunt suscipi possunt.

Quis curam Seminariorum habeat, & quinam singulis sint præficiendi.

L I X.

SI Seminarium amplioris Diœcesis sit, à cœteris Diœcesibus unius Archiepiscopatus independens, principalem curam ejusdem habebit Præses Diœcesanus: si verò pro tota Archidiœcesi inserviat (in qua etiam, quoad domum emeritorum, & bona communitatis, mutuus sit usus) Præses Archidiœcesanus ejusdem curam habebit, singulis annis bis visitando, diligenterque illius politiam domesticam tam in spiritualibus, quàm in temporalibus inspiciendo, & cuncta ad debitam formam reducendo, aut in eâ conservando, mediorum quoque temporalium, & emolumentorum incrementum, mediante œconomo sibi adjuncto, rationem habebit; in Seminarijs proprijs directores, aliosque

que magistros tam virtutum, quàm studiorum præficiet, & pro rei utilitate aut necessitate amovebit: In Seminarijs verò Episcopalibus huic Instituto ab Ordinarijs concreditis, personas capaces Reverendissimis DD. Ordinarijs nominabit, ut ab iisdem autoritate ordinariâ Seminarijs præficiantur.

L X.

In quovis Seminario erit primò Director, sive Regens totius Seminarij, qui prudentiâ, gravitate, doctrinâ, & sollicitudine charitatis inter alios emineat: Secundò Pater Spiritualis paritèr pietate, & doctrinâ, & cœteris qualitatibus insignis, qui exercitationibus consuetis præsit: Tertiò confessorius, qui toti domui ordinariè à confessionibus assistat, cum facultate confitendi alijs vel alijs Confessarijs extraordinarijs per Superiores deputatis, & approbatis ab Ordinarijs: Quartò Oeconomus qui
de

*image
not
available*

mento sic præstito, per quod pactum inter membra hujus Instituti ultimato roboratur, nemo ex post facto, nisi à solo Summo Pontifice, absolvi potest, cui desuper prævio maturo causarum, & circumstantiarum examine supremus hujus Instituti Præses per se vel alium debitam relationem faciet.

Formula autem Iuramenti sequens est.

LXI II.

EGO N. Filius N. Dicecesis N. plenam habens Instituti Clericorum sæcularium in commune viventium notitiam, legibus & constitutionibus ipsius me sponte subijcio, easque quantum in me erit observare promitto. Insuper tibi N.N. hujus Instituti Præsidi Supremo, tuisque in hoc munere legitimis successoribus spondeo, & juro me sub directione, tua privata & æconomica, salvà per

omnia Reverendissimi Domini Ordinarij mei autoritate & jurisdictione, in supradicto Instituto Clericorum, qui secluso foeminarum consortio bini, vel plures pro locorum qualitate cohabitant, & bona sua ex beneficijs, & functionibus Ecclesiasticis provenientia in communes pios usus juxta Constitutionem 19. Sacerdotum conferunt, semper victurum & moriturum. Denique spondeo, & juro me prædictum Iuramentum, ejusquè obligationem intelligere, & observaturum, à quo non possim nisi à solo Summo Pontifice absolvi. Sub die N. mensis N. Anno N. sic me Deus adjuvet, & hæc sancta Dei Evangelia.

L X I V.

Prædictis non obstat, quo minùs quispiam post Iuramentum prædictum, majoris perfectionis gratià, ad Ordinem Religiosum transire possit; Ità tamen, ut non omni spiritui credatur, sed priùs bene probetur, & non
tam

Sacerd. de novo ordinati. § I
tam proprio Iudicio, quam Superio-
rum hujus Instituti verè Dei vocatio
esse approbetur ; Tenebitur tamen ta-
lis (si ex novitiatu iterum discesserit)
vi hujus Iuramenti ad hoc Institutum
redire .

L X V.

Qui præstito sæpe dicto Iuramento
ad dignitates Ecclesiasticas Episco-
pales , & ad quascunque his similes
promoti fuerint, etsi sub actuali dire-
ctione Præsidis , ob respectum statûs,
non sint, tenebuntur nihilominus præ-
stare ea, ad quæ cœteri hujus Instituti
communiter obligantur .

*Quomodo Sacerdotes noviter ordi-
nati ad curam animarum ap-
plicari debeant .*

L X V I.

Clerici recenter ordinati ad curā
animarum ordinariè non sta-
tim exponantur ; sed prius in Domi-
bus Sacerdotum , Beneficiatorum, &

Parochorum, ubi strictior custodia & disciplina viget, pro tempore vivant, & cum præscitu & consensu Reverendissimi D. Ordinarij provisorio modo officia administrent, ut sic non solum disciplinam Clericalem magis imbibant, & in superioritate libertatis suæ piè, sobriè, castequè vivere etiam extra talem custodiam postmodum expositi addiscant; Verùm etiam ritus, & ceremonias Ecclesiasticas circa curam animarum cum debita dexteritate, & experimentalipraxisolidècomprehendant, & tunc demum utiliter ac securè commodis occasionibus ad Capellantias, Parochias, aliaque officia Pastoralia cum consensu Ordinariorum exponi poterunt.

*image
not
available*

§ 4 *Const. pro direct. Sacerd.*

temporis ab omnibus sedulò observetur; atque imprimis ut preces tam matutinæ, quàm meridianæ, & nocturnæ cum debita pietate ab omnibus simul in loco ad orandum deputato persolvantur: Similiter horæ Canonicae ab omnibus alicubi cohabitantibus, & legitimè non impeditis, determinatis ad id horis, simul recitentur.

I I.

Statutis quoque horis, cuique loco accommodatis sacrificium Missæ celebretur; ita ut reliquum tempus cum certa paritèr distributione, pro studio tam Scripturæ Sacrae, quàm theologiæ præsertim Moralis, lectionis asceticæ & similium relinquatur, in quantum cura pastoralis, visitatio infirmorum, administratio Sacramentorum, & actualis præparatio ad conciones, ac catecheses necessaria id patitur, quæ dum actu instant cæteris præponenda sunt.

Su-

III.

Superioris quoque cujusque loci est ordinare, quidnam præter Scripturam Sacram quovis tempore ad prandium & cenam, per mediam circiter horam, utiliter legi possit, ex quo utiles deinde discursus formari debent; Recreatio post Mensam ea semper esse debet, quæ honestatem & modestiam cum pace perpetuò sibi conjunctas habeat, ad quod pariter Superiori invigilandum erit.

IV.

Generalem ordinationem prædictorum omnium Superiores tempore visitationis facient, juxta quam postmodum quilibet particularis Superior directionem suam practicè instituat.

V.

Quilibet Superior alicujus decanalis, vel in vicinia districtus, singulis sibi commissis Clericis & Sacerdotibus annum determinabit tempus, quo opportunè recollectioni mē-

tis in sua, vel alià ad hoc deputanda domo insistant, sedulòque curabit, ut apud omnes debitum dicta recollectio fortiatur effectum : Ad quam etiam extra hoc præscriptum, illos disponet, quorum spiritualis infirmitas, aliæquè causæ rationabiles id prudenter postulaverint.

V I.

Ejusdem Superioris domus in quovis districtu, refugij & medicinæ spiritualis locus exister, ut spirituales, convalescentiam ibi percipiant illi, qui in Parochijs aliquod vulnus spirituale acceperunt, vel periculum, passi sunt; quibus alij ad tempus, & tamdiu succedent usque dum eorum infirmitas per media spiritualia correctæ fuerit; quod etiam de illis observandum, qui in spiritus desolatione versantur, aut in melancholiam, vel aliam afflictionem lapsi sunt, ut remedijs spiritualibus adjuti, fortiores ad stationis suæ vigilias regrediantur.

VII.

V I I.

Idem Superior alicujus decanalis districtus aliquoties in anno tot Clericos & Sacerdotes huic Instituto ad dictos, ac privatae suae directioni assignatos in certum locum convocabit, & ad certum diem, quo sine detrimento animarum curae commodè comparere poterunt, ad assignatas materias in scriptis thesibus proponendas, ac more scholastico, à constitutis ad id per vices oppugnandas ac defendendas, ut singulorum ingenium, ac diligentia palàm exindè fiat. Materiam circa quam hæc exercitatio utiliter institui poterit, supeditabunt Scriptura Sacra, casus conscientiae, Theologia speculativa & polemica, seu controversistica, ac jus Canonicum, Directorium totius negotij penes prædictum ejusmodi districtus Superiorem erit.

V I I I.

Præses hujus exercitationis à Superiore constituetur aliquis ex eodem.

58 Const. pro direct. Sacerd.

dem districtu, qui in prædictis facultatibus præ reliquis eminere, atque ad hoc officium habilis esse videbitur.

I X.

Ad meliorem hujus rei successum; in singulis Parochijs assignatas materias, certis per hebdomadam diebus, per unam, vel sesquihoram, mutatis vicibus defendendo & oppugnando sic elucident, ut deindè in publica concertatione cum honore & aliorum ædificatione defendens stare possit.

X.

Tempus ad privatum hoc exercitium magis commodum, per se loquendo, erit post meridiem, ita quidem ut prima media hora in recollectione & præparatione, reliquum verò tempus in ipsa exercitatione & colloquio, insumatur.

X I.

Domi particulares casus discutiendi cautè junioribus Sacerdotibus pro-

proponantur, ex quorum resolutione addiscant, quomodò sua principia scholastica ad particularia applicare, & prudenter praticare debeant.

X I I.

Vt quilibet districtus decanalis à corruptione defectuum, qui paulatim, nisi vigiletur, succrescunt, maturè semper expurgetur, observandum erit, ut non tantum singulis octiduis, certo determinato die, in quovis loco particulari, colloquium aliquod Constitutioni 45. Sacerdotum conformiter instituat; verum etiam, ut singulis mensibus, finito supradicto scholastico studiorum exercitio, prius quàm qui præsentes erunt, domum repetant, in domo decanali simili modo quoddam colloquium, ac conferentia spiritualis pro toto districtu decanali instituat, eaque in medium proferantur, quæ ad conservationem bonæ disciplinæ, & perfectionis incrementum in Domino videbuntur. Parochi & Beneficiati alij

60. *Const. pro direct. Sacerd.*
ex dicto colloquio domum reversi,
fideliter ea executioni demandare sa-
tagant, quæ in particulari ipsos ar-
tingunt.

**QVID SUPERIORIBVS CIR-
CA SVBSTANTIALIA HVIVS
INSTITVTI PVNCTA SIT SCIEN-
DVM, ET OBSERVANDVM.**

X. I. I.

VT substantialia hujus Instituti
puncta, quæ sunt Communi-
tas bonorum, cohabitatio fraterna,
separatio mulierum, & obedientia
erga Superiores præsentis clericalis
Instituti, omnibus sufficienter inno-
tescant; Superiores eorundem pra-
cticam notitiam, perfecto quodam
modo habere oportet, ut omnes circa
eadem, tam per se, quam per alias
personas idoneas, rectè informari
sciant; eaque notitiâ præhabitâ ad eo-
rundem observantiam sedulò indu-
cant. Prædicta substantialia puncta,
nec.

nec Præses Generalis, nec Conventus qualiscunque ullo unquam tempore immutare aut relaxare poterit, cum sint veluti cardines ac fundamenta per quæ veluti per quosdam vectes in se sufficienter munitos, præsens Institutum absque dissolutione, in generatione & generationem per Dei gratiam subsistat.

XIV.

Vt verò prædicta hujus Instituti puncta substantialia tantò certius inconcussa semper maneant, omnes & singuli dicto Instituto se se aggregare volentes, illa juramento firmabunt, eá jurandi formulà quæ habetur supra in Constitutionibus de directione juventutis num. 63. vi cujus omnes & singuli obligantur, non quidem ad particulares dictorum punctorum actus, ita ut quoties aliquis quidpiam contra illa, vel illorum aliquod admiserit, perjurus fieri censendus sit, sed solùm ad constanter in hoc Instituto in quo prædicta quatuor

tuor puncta observanda sunt, usque ad mortem perseverandum, ita ut juxta Constitutionem 46. Sacerdotū, ille solus perjurus fieri censerī debeat, qui proprio motu se ab hujus Clericalis vitæ, & disciplinæ statu separaverit.

X V.

Censentur autem Motu proprio se ab Instituto separare, qui sinè legitimâ juramenti sui factâ relaxatione discedunt, aut verbis factisque in Instituto deinceps vivere detrectant; uti etiam qui per frequentatos actus graviter contra supradicta substantia- lia excedunt, & præviâ trinâ monitione, præfixo à supremo hujus Instituti Præsidente termino peremptorio, quod nisi monitioni pareant, ab Instituto separandi sint, si in contumacia perseverant; tales enim se ipsos suo facto ob incorrigibilitatem separare censendi sunt. Licet hic casus ibi, & tum solum accidere possit, quando alia ratio delinquentem ad

me-

meliozem frugem, bene ficio Domus
Emeritorum, vel alià vià reducendi,
& scandalum tollendi, pro isto tem-
pore Instituto non suppetierit.

DE COMMVNITATE BONO-
RVM IN SPECIE.

XVI.

Finis Communitatis bonorum est,
ut à Clericis hujus Instituti om-
nia ex beneficijs Ecclesiasticis, &
functionibus quibuscunque prove-
nientia, in usus pios Ecclesiæque Dei
salutares, ac præfixo scopo hujus In-
stituti convenientes, debito modo &
ordine conferantur & applicentur, eo-
rumque bonorum abusus tollatur.
Quare seposità omni avaritiæ & pro-
digalitatis specie, singuli sedulò cu-
rabunt, ut huic Instituto Clericali ve-
rè fideles dispensatores se exhibeant,
in omnibus sincerè spectantes com-
mune bonum tanquam proprium Ie-
su Christi Domini Nostri patrimo-
nium.

Superiores maturè considerare debent, quidnam indispensatione bonorum communium jam in massa cōmuni collectorum potissimum sit observandum, & primò quidem invigilare debent, ut Sacerdotibus senibus, alijsquè inhabilibus sufficienter provideatur; Deindè si Sacerdotes Curatos & beneficiatos, casu aliquo extraordinario, subsidio egere contingat ex bonis communibus illis succurrendum erit: Similiter quando aliquis ex hoc Instituto recentè ad Parochiam vel beneficium aliquod promotus, novam alicubi œconomiam instituere, & rebus necessarijs instruire debet, suppellectilia & alia maxime necessaria, vel pecunia pro iisdè comparandis suppeditanda erunt; eà tamen lege ut sive pecunia sic subministrata, sive pretium quo suppellectilia fuerint æstimata, medio, vel infimo pretio ordinatè conscribantur, traditaquè desuper obligatione, succel.

cessivè prout potuerit commodè Superioribus ex proventibus annuis restituantur, ut alijs quoque in simili necessitate constitutis succurri possit. Tertio subveniendum quoque est pauperibus Sacerdotum hujus Instituti parentibus, Fratribus, & Sororibus juxta Constitutionem 22. Sacerdotum .

XVIII.

Post hos magis necessarios communium hujus Instituti bonorum usus, ingenuis adolescentibus ad hanc Clericalem vitam educandis applicanda erunt .

XIX.

Postquàm domibus juventutis, & Emeritorum in quadam Archidiecepsi, vel Diœcesi, ex medijs communitatis, vel patronorum sufficienter provisum fuerit, tunc ad ædes Parochiales, convenientèr ad præscriptum Instituti vivendi modum accommodandas, ubi necesse fuerit, vel ex medijs ipsorummet Parochorum, præter id,

id , quod fortè juxtà morem Diœce-
sis in conservationem illarum annua-
tim ab illis impendi debet; vel ex col-
lectis ipsiusmet communitatis medijs,
si aliundè haberi nequeant quantum
neceſſe fuerit applicari poterit .

X X

Similiter ordinari poterit, ut si de-
ſint media pro cohabitacione duorū
Clericorum, in loco quodam parti-
culari ob curam animarum, aut aliā
de cauſā ordinandā, superiores hujus
Inſtituti , tamdiū media neceſſarie
pro altero Sacerdote ſubminiſtrent,
quamdiū hujus Inſtituti Sacerdotes
in tali loco Curæ animarum præſue-
rint ; Et quia aliorum eſt ſimilibus
Sacerdotibus Curam animarum ge-
rentibus vivendi media ſubminiſtrare,
ideò ſpeciatim & authenticè caven-
dum, ne ex hac gratuita alimentorum
ſubminiſtracione pro quocunque fu-
turo tempore, Inſtituto quædam obli-
gatio imponatur .

X X I.

Eleemosinæ pro varietate, vel religiosis, vel alijs faciendæ ex medijs huic Communitati obligatis, à Clericis beneficiatis juxta leges Christianæ Charitatis, & juxta dictamen prudentiæ fieri possunt; specialitèr tamen suadetur, ut Parochianis suis indigentibus, pro ratione reddituum suorum præ alijs benignè subvenire studeant.

X X I I.

Bona Communitatis in una Archidiœcesi correspondente quoad domum Emeritorum & juventutis cum quibusdam Diœcesibus ejusdem Archidiœcesis, uti etiam media Diœcesis populosæ quæ propriam Domum Emeritorum & juventutis habet, in eadem applicari debent, nec possunt, per se loquendo, etiam pro parte aliqua transferri. In casu extraordinario ubi ob gravem necessitatem Christiana Charitas suadet, ut alijs membris hujus Instituti ad bonum Ecclesiæ

fiæ Catholicæ succurratur, ordinatio desuper fiet à Præsìde Diœcesis cum Consilio Superiorum decanalium ex una, & ex alterà parte à Præsìde Supremo; quod si rei gravitas postula-
verit, Reverendissimo Domino Ordinario loci quoque desuper referendum erit, ut cum ejusdem præscitu & consensu, ad evitandas quascunque suspiciones res tota peragatur.

XXIII.

Vbi communes sumptus faciendi sunt in negotijs totum Institutum, concernentibus, supremi Præsìdis, proportionalitèr ex collectis medijs erit particularium Diœcesium illud exigere, quod ad ejusmodi negotia pertractanda necessarium fuerit.

XXIV.

Communitas bonorum mutuam, infert. obligationem singulorum, membrorum ad Institutum, & Instituti ad membra; ita ut singuli ad omnia bona sua ex beneficijs Ecclesiasticis, & functionibus, ac officijs
qui-

quibuscumque provenientia in pios

Communitatis usus conferenda, vi conventionis mutuae, pactique ultrò citroquè obligatorij ad stricti; ipsi quoque superiores nomine Instituti singulis membris fidelitèr in necessitate subvenire teneantur.

X X V.

Si quis Sacerdos vel Clericus animo se se Instituto aggregandi aliquandiu cum ejusdem Instituti Clericis habitaverit, dein verò, antequàm consuetum Iuramentum præstet, mutata mente recedat, præter sumptus ipsius causâ factos, nihil persolvere teneatur: si verò post præstitum Iuramentum ad ordinem religiosum, transire voluerit, vel proprio motu se ab Instituto separaverit, vel ab eodem ob incorrigibilem morum pravitatem, aliamvè quamcunquè causam dimissus fuerit, ex illis quæ in Instituto acquisivit, & jam tum vel ad capsam communem contulit, vel apud ipsum adhuc existunt, de jure
ni-

nihil prætere, vel secum auferre potest; contrarium si fecerit, sine præhabito superiorum Instituti consensu, id restituere tenebitur.

X X V I.

Si qui Sacerdotes aut alij Clerici jam existentes bona quædam ex beneficio, officio, vel functionibus Ecclesiasticis acquisita jam habeant, ac postmodum ad Institutum suscipi petant, liberè de ijs quæ extra Institutum acquisiverunt, disponere possunt, vel in usitatos hujus Instituti, vel in alios licitos & honestos usus, nisi ob imminentem ex senectute, aut alio Capite ad officia & functiones Ecclesiasticas inhabilitatem æquitatis ratio postulare videatur, Instituto consignentur, cui per susceptionem talis personæ onus eam honestè sustentandi accrescere dignoscitur.

X X V I I.

Omnes verò & singuli qui per Iuramentum se huic Instituto obligaverunt, de bonis suis, sive Ecclesiasticis

cis extra Institutum acquisitis, sive patrimonialibus de quibus liberè disponere habent, maturè ita disponant, ut casu quo Dominium eorum penes se retinere voluerint, totam, vel potiozem saltem eorum curam, alijs committant, cum nec Instituto, ejusquè disciplinæ, nec ipsismet Sacerdotibus in Officijs & functionibus Ecclesiasticis occupatis conveniat multum ejusmodi rerum curis occupari, quæ à suscepto vitæ statu valdè sunt alienæ.

XXVIII.

In quovis loco particulari ratiocinia acceptorum & expensorum ab uno Oeconomo fiant qui juxta diversas rubricas cujuscunque personæ in eadem domo habitantis, redditus ex beneficijs & salarijs distinctè annotet, ne aliqua confusio sequatur. In Seminarijs alijsque domibus, ubi communes redditus pro illa domo sunt ad nullam personam particularem spectantes, Et simul alij redditus sint
ad

ad particulares personas in illa domo ex beneficijs, vel officijs obvenientes, tum ne confusio oriatur, fieri debet commune ratiocinium, & aliud particulare super accepta & expensa reddituum particularium istarum personarum.

X X I X.

Cum non solum Instituti hujus interfit, sed etiam Dioecesium, ne bona communia minus fideliter administrantur, aut ad supradictos Ecclesiae Dei utiles usus non expendantur; Ideo Reverendissimi DD. Ordinarii quoties defectus notabilis in administratione à Praefide commissus innotuerit, desuper liberam inquirendi & rationes super bonis Instituti in commune collatis exigendi, defectusque interposita auctoritate, suà Ordinarià corrigendi potestatem habeant; defectusverò à Superioribus Praefidi subordinatis commisi à Praefide corrigantur, salvà tamen ut in praemissis Ordinariorum Jurisdi-

ctio-

Etione, ut hac ratione per debitam
eorum administrationem ac dispen-
sationem fiat, quod juxta approbatam
hujus Instituti Constitutionem fieri
solet, ac debet.

X X X.

De reliquo cum singuli hujus In-
stituti Clerici intuitu beneficiorum
suorum Reverendissimis Dominis Or-
dinarijs ea præstare debeant, ac reipsa
præstent quæ alij Clerici extra Insti-
tutum viventes juxta cujusque Dico-
cesis consuetudinem, intuitu eorum-
dem beneficiorum præstare debent,
bona ab ijsdem in Commune ad mas-
sam communem jam collata alio in-
super onere, seu exactione gravan-
da non sunt, Cum æquitatis ratio
non permittat, ut ob hoc quod super-
flua sua in communes pios, & tum
statui Ecclesiastico, tum ipsimet San-
cta Ecclesiæ Catholicæ valde profi-
cuos usus conferant, ampliùs quàm
alij Clerici Sæculares graventur. Cum
enim eorum onera, ac obligationes

D

quæ ad

quoad redditus beneficiorum suorum communiter cum illis sine ulla exemptione ferant, meritò ijsdem etiam cum illis iuribus, privilegijs, atque Immunitatibus gaudent. Hinc & particularis dispositio circa temporalia hujus Instituti bona ad caplam jam collata, eorumque dispensatio in usus præscriptos ad ejusdem Instituti superiores spectat.

XXXI.

Vi Communitatis bonorum, siue pacti Iurati nemini liceat ex hujus Instituti Sacerdotibus & Clericis testamentum Sæculare condere, aut parentibus, aut consanguineis suis bona sua temporalia ex beneficijs, & fundionibus Ecclesiasticis, ac officijs quibuscumque provenientia pro quacunque voluntate, voluntatem ultimam relinquere. Ideo omnes & singuli, quibuscumque dignitatibus Ecclesiasticis non obstantibus, obligantur, ut quocunque de rebus suis disponendi modo Clericis concessio, &

con-

consueto, bona sua prædicta superioribus hujus Instituti ad fundandas domus educandæ Juventutis, & Emeritorum Sacerdotum, aliosque fines huic Clericali Instituto conformes dispensanda relinquunt, memores omnia quæ possederunt esse propria Domini Nostri Iesu Christi, in cuius infinitam gloriam, profectumque animarum hoc Institutum omni tempore ea impensurum sit; nihilque æquius esse quam illorum etiam comoda sentire, quorum onera in vita & morte suscipiuntur.

XXXII.

Donationes Ecclesiæ cui quis deservijt, vel parentibus, fratribus & sororibus indigentibus fieri possunt, ea tamen fieri debent cum præscitu, & consensu Præsidis alicujus Diocesis, vel Territorij, vel ità ut juxta ratihabitionem ejusdem valere debeant, superioribus verò ejusmodi denegare, vel immutare non licebit, nisi manifestè videant adhibito consilio aliorum, aut habità etiam in re

gravi sententiâ Reverendissimi Domini Ordinarij quod irrationabiliter ea facta sint.

XXXIII.

Legata & donationes quæ ipsismet membris hujus Instituti ab alijs fiunt, intuitu Officij vel cujuscumquè respectus ad statum Clericalè aut quodcumquè officium, spectant ad bona huic communitati obligata; quæ verò dantur intuitu consanguinitatis, affinitatis, vel amicitiae merè naturalis, bonis patrimonialibus annumerantur. In casu dubio donationis factæ standum juri communi, hac tamen lege, ut si à consanguineis & affinibus usque ad quartum gradum, inclusivè donationes fiant, eæ censeantur factæ personis, in cæteris verò casibus dubijs censeantur factæ intuitu Instituti sive Officij.

XXXIV.

Debita passiva in vita aut post mortem alicujus ex Instituto solventur ex medijs ab eodem relictis, ubi ve-

rò ea non suffecerint, communitas ad satisfaciendum eisdem obligata non erit, nisi cum expresse consensu Superiorum Instituti, & authenticà ex scriptura eadem facta esse comprobentur : idque ideo quia cœteroquin gravia incommoda huic Instituto accrescerent, & ipsum Institutum quod curam talis personæ in vita, & morte in se suscipit, non tantum commodum pro membris suis non sentiret, verum etiam grave damnum pateretur.

X X X V.

Quando ne Parochi vel Beneficia ti discessum, vel mortem ex gratiosa Reverendissimi Domini Ordinarij vel Patroni concessione, successor ex hoc Instituto fuerit, mobilia, quæ successor ad ducendam Oeconomiam necessaria sunt, non distrahentur, cum Antecessor si hujus Instituti fuerit, sine detrimento nunquam vendat, successor verò maxima cum incommoditate & difficul-

tare coemat, ac de novo familiæ de mobilibus proſpiciat. Proinde à ſuperioris ordinatione & prudentiâ in tali caſu rerum temporalium diſpoſitio aut translatio, quæ ex rationabili neceſſitate, vel utilitate fieri ſubindè debere videbitur, dependebit: Ita tamen ut pro ijs quæ ſucceſſori relinquuntur, honeſtum & moderatè taxatum pretium certo, & præfixo termino in caſu mutationis ab una ad aliam Parochiam, ſivè beneficium ſolvatur Anteceſſori, In caſu verò mortis Inſtituto.

XXXVI.

Quid verò, & quantum ex annuis huiusmodi beneficij redditibus tum anteceſſori, tum ſucceſſori competat pro illa parte temporis quo quiſque illorum illud poſſidet juxta Capitularia ſtatuta, vel alias cujuſque Diœceſis leges & conſuetudines determinetur, & ordinatè annotetur, idq; præſente ac confirmante eo cui de iure vel conſuetudine comperit, Et ſi
opus

Cler. & fraterna Cohabitatio. 79

opus fuerit præfente uno ad id ex Instituto deputato, ut omnis confusio evitetur & charitative singula disponantur.

OBSERVANDA DE FRATERNA
COHABITATIONE.

X X X V I I.

CUm hoc Institutum pro fine suo habeat in salutem Populi ità dispersim vivere, ut tamen quantum possibile fuerit, ubique duo tres, vel plures ejusdem Instituti Clerici & Sacerdotes in eadem domo fraternè cohabitent, superiores diligenter invigilabunt, ut ex speciali favore Reverendissimorum DD. Ordinariorum ac Patronorum liceat etiam ruri fraternam duorum vel plurium hujus Instituti Clericorum cohabitationem instituire, ac continuare.

X X X V I I I.

In oppidis ubi subindè plura partim curata, partim simplicia existunt

beneficia, quorum possesiores seorsim habitare consueverunt, Sacerdotes Instituti ubi duo, vel plura ejusmodi beneficia obtinuerint, quantum fieri potest, fraternè cohabitare obligantur, in magnis tamen Civitatibus, nisi commodè & sine periculo animarum curæ suæ commissarum, possint, non uno loco omnes simul, sed in diversis bini, vel plures cohabitent.

X X X I X.

Quod si in pagis & oppidis Parochialis Ecclesia Capellanum hactenus non habuerit, interim tamen redditus adsint quibus duo Clerici congruè ad onus pastorale ferendum sustentari posse videntur, superiores cū consensu Reverendissimi Domini Ordinarij Parocho Sacerdotem, non tam in subsidium animarum curæ, quàm in subsidium continentiae & disciplinae securius servandæ adjungent.

Por-

X L.

Porro si Parochialis Ecclesia Capellanas seu filiales Ecclesias distantes sub se habuerit, Reverendissimi DD. Ordinarij locorum rogandi erunt, quatenus permittant, ob bonum disciplinæ, Clericorum cohabitationes ità divisas ad unam socialem contrahere, dummodò per excursionem citrà neglectum animarum humanitùs prædicta loca provideri possint, in quo ex ordinatione, ac Iudicio Reverendissimorum DD. Ordinariorum determinatio fiet; dictæ Ecclesiæ filiales vel Parochiæ à se invicem ultra horam non distent.

X L I.

Cœterum hi Sacerdotes tam Divina Officia, quàm conciones, & catechesin diligenter in Ecclesia propria peragant, non secus ac si in loco residerent; Parochianos de Baptizandis & de providendis ægrotis providè admoneant, & semel saltem præter festa & Dominicas in septimanà

82. *Const. pro direct. Sacerd.*

quisque ad Ecclesiam suam certo die ad sacrum celebrandum exeat; ut Parochiani id præscientes suis, & suorum necessitatibus spiritualibus facile consulere possint; ad Sacramentorum administrationem evocati, in omni casu sine morâ promptos se exhibeant.

X L I I.

Casu quo tanta Ecclesiarum distantia foret, quæ positam mensuram notabiliter excedat, arque ob defectum reddituum duo habitare nequeant, qui tunc solitariè exponendus erit, sit solitudinis amans, & provecioris ætatis, ejusquè constantia in castitate, & sobrietate probè perspecta habeatur; Insuper singulis septimanis ad domum decanalem vel Parochiam aliquam ad Sacerdotes hujus Instituti pro faciendâ Sacramentali Confessione veniat, & superiori de vitæ suæ statu frequentius rationem reddat, acceptâquè Spirituali exhortatione, & consolatione no-

Cler. & fraterna Cohabitatio. 83

vo cum fervore domum revertatur; in eundem finem sæpiùs etiam talis à superiore Decanali vel Parocho quodam visitetur; pro administrandâ culinâ & familiâ famulum habeat, observeturquè quod infra de separatione Mulierum statutum habetur.

Quid respectu cohabitantium Clericorum observandum sit.

XLIII.

IN primis omnes studeant se tales in conversatione suâ vitæ exhibere, ut suis affectibus ex sincero corde sic dominantur, quatenùs cuivis cum animi jucunditate cohabitare sciant; firmiter etiam sibi persuadeant, in omni familiâ quantumvis bene ordinatâ imperfectiones ac disordinationes quandoque contingere; hinc apud se omnino statuunt defectus aliorum in verâ & Christianâ Patientiâ tolerare, ac ejusmodi tam in-

temporalibus , quàm in spiritualibus supportare .

X L I V.

Superiores in conjunctione Clericorum prudenti circumspectione ex notitiâ geniorum & indolis attendant , ut tales semper combinentur , ne vel contemptus vel nimia familiaritas indè sequatur . Pro directione , universim tales constituentur qui non modò passionibus suis sufficienter dominari posse noscantur , Verùm etiam illos qui ipsis subijciuntur , in omni genere Virtutum & scientiarum , quantum fieri potest superent , vel saltem adæquent ; contemptum enim parit , si qualitates subditi qualitatibus superioris præstent .

X L V.

Vbi duo , vel plures cohabitant , unus semper sit ex ijs , qui officio Oeconomix cum debito rerum temporalium emolumento fungi sciat . Qui in rebus Spiritualibus videntur tepidiores , sibi que ipsis nimis indulgen-

Cler. & fraterna Cohabitatio. 85

gentes, simul non confocientur, sed adjungatur unus vel alter, qui in spiritalibus ferventior, & in servandâ disciplinâ exactior effenoscatur.

X L V I.

Vbicunque hujus Instituti Sacerdotes simul habitant, superioribus curandum est, ut neque omnes senes sint, neque omnes Juvenes, sed itâ potius senes conjungantur Junioribus, ut Seniorum Cautela Juniorum libertatem custodiat, & Juvenum fervor Seniorum imbecillitatem in perferendis laboribus sublevet. Univerſim combinatio Sacerdotum eâ circumſpectione ſemper fiat, ut in quocunque unus vel alter deficere noſcitur, Tertius oppoſitâ quâ eminet virtute defectum proximi ſui, quoad fieri poteſt, corrigat atque emendet.

X L V I I.

Prætereâ non indignum quilibet arbitretur, ſi in proximo ſuo cuſtodem habeat à quo charitativè corrigatur & moneatur; idque tam quoad
a ctio-

actiones quæ domi, quàm quoad ea quæ foris peraguntur, quapropter semper conari debent, ut duo simul etiam foris existant, qui sibi invicem sint tam conversationis, quàm innocentia testēs ac monitores.

X L V I I I.

Hospitales ad invicem, & ad omnes Charitativos cum omni humilitate se exhibeant, & servitia necessaria omnibus præstari à suis curent; itineris enim molestijs defatigati, refrigerio hospitalitatis sublevari debent; erga personas verò cujuscunque status servatà proportionē se taliter habeant, ut ab omnibus bonum Testimonium charitatis Christianæ reportare mereantur.

X L I X.

Denique ut qui in hoc Instituto vivunt, in morte minimè deserantur, singulorum locorum superiores disponent, ut exequiæ Christiano modo statui Clericali conformiter peragantur, & in loco depositionis præ-

missa

missâ semper Vigiliâ defunctorum ,
tam primus,quàm septimus,& trige-
simus pro defunctis celebrentur. Insu-
per omnes Sacerdotes hujus Instituti
juxtâ Constitutionem Sacerdotum
28. pro salute animæ ejusdem tria
sacra celebrabunt, qui in illâ Diœcesi
existunt; itâ tamen ut in cœteris Diœ-
cesibus, quæ uni alicui Archidiœcesi ,
more in Ecclesia consueto subijciun-
tur, unusquisque si non tribus, saltem
uno sacro animam defuncti divinæ
misericordiæ commendet .

**QVID SUPERIORES IN PVN-
CTO SEPARATIONIS MV-
LIERVM OBSERVANDVM
HABEANT.**

L.

E Am Mulierum separationem
Clerici omnes communiter ob-
servare tenentur, in conscientia ad
hoc adstricti, quæ requiritur, & suf-
fici t ad vitandum scandalum, & ad
pro-

proximam occasionem peccandi tollendam: Ad tollendam verò omnem Clericorum cum Mulieribus cohabitationem, in Cap. inhibendum extra de cohabita. Clericorum, & Mulierum, ita statuitur. Inhibendum est, ut nullus Sacerdos foeminas de quibus suspicio potest esse retineat; sed neque illas, quas SS. Canones concedunt, Matrem, amyram, Sororem, quia instigante Diabolo, & in illis scelus perpetratum reperitur: Vnde præsens Institutum eò collimat, ut Clerici in eodem Viventes, in instituendis hinc inde familijs Timorem Dei Custodem, Castitatem Dominam, amorem verò Rectorem totius Domus suæ habeant.

L I.

Proinde nemini licebit ex sexu Muliebri, sive Matrem, sive Sororem, sive aliam in quocumque gradu consanguineam, aut alias quantumvis piam, & sanctam mulierem sub eodem recto, quo Clerici duo vel plures

res Congregati habitant, habere; cum sit vel periculosum, vel scandalosum, aut saltem non deceat, aliaque viro Clerico inde incommoda emergant.

LII.

Si quo casu substantialis hæc Constitutio per se loquendo inviolabiliter servanda, in praxi & casu particulari nullâ ratione observari possit, videretur, eo quod familia de novo incipienda, in qua ob prædia rustica, vel aliâ ob causam similem pecora sint alenda, & in continenti fieri non possit per habitationem diurnam, nocturnamque distinctam sufficiens separatio, ea quamprimum ordinetur, sive ex favore Reverendissimi Domini Ordinarij, sive ex medijs ipsiusmet Communitatis.

LIII.

Media porrò quibus generalis ista Constitutio inoffenso pede in familiâ Clericorum constanter decurrere possit, erunt sequentia. In locis in
qui-

quibus Prædia rustica annexa esse non solent, Culina & tota familia viro-
rum, sive famalorum operâ institua-
tur, qui omnia ministeria domus præ-
stent; In locis verò sive Parochijs,
quibus Prædia rustica annexa esse
consueverunt, quorum ratione, &
inevitabili quadam necessitate similis
culina, & familia propter emolu-
mentum fructusque agrorum & de-
cimarum institui necessarium est, mu-
lierum servitia tolerabuntur, ut sic
non solum Culinae, verum etiam toti
reliquæ familiæ melius prospicia-
tur.

L I V.

In dictis servitijs Sacerdotum Pa-
rentes & Consanguinei, quantum fie-
ri poterit, constituentur: quibus de-
ficientibus, aliæ honestæ, provectio-
risque ætatis personæ assumantur; ita
tamen ut à Clericorum tam diurnis,
quàm nocturnis habitationibus in-
tercedente sufficiente clausura sejun-
gantur; quòd proinde superiores
hujus

hujus Instituti constantissime æmulabuntur.

L V.

In hunc finem Parochialibus ædibus domus rusticæ in loco quodam vicino annectantur, vel pars in ipsa Sacerdotali, si amplitudo id patiatur, per murum interjectum separetur in quibus Matresfamilias degentes subordinatum quoddam super totam familiam rusticam regimen habebunt: Parochus verò hanc inferiorem directionem Culinæ, & totius familiæ in prædictam Matremfamilias immediate rejiciat, ut ita Clerici negotijs inferioribus sepositis, à Mulieribus penitus separati, in vitæ sanctitate Deo servire, & saluti animarum liberius invigilare valeant.

L V I.

Porro ut prædicta separatio commodius observari queat, & ne ejus occasione aut Parochus necessariam inspectionem in familiam negligat, aut in cibis alijsque requisitis pro

Cle.

Clericis ad domum Sacerdotalem deferendis difficultas aut incommoditas sit ; Inter utrasque ædes aditus, ac porticus intercedat, quo ita domus & familia rustica ædibus Parochialibus annexa & approximata accomodetur, ut ex eadem cibi inde ad Clericalem mensam commodè deferri, & inspectio necessaria haberi possit. Aditus ergo in inferiori vel media contignatione ædium Sacerdotium usque ad Domum rusticam traductus, & patens in fine clausuram habebit, cuius beneficio prædicta separatio fiat ; ita ut nemo Clericorum per illum aditum ex ædibus Sacerdotalibus ad domum rusticam, neque ex familia & domo rustica ad domum Clericorum unquam transire valeat.

L VII.

Vt major cautela adhibeatur, quantum locorum Constitutio patitur, domus Clericorum contra omnem accessum (vel januas non necessarias ob-

obstruendo, vel muro circumvallando) ità muniatur, ut relictá solummodò unicá ad Clericalem domum januá ordinariá, omnis utriusque familiæ domesticorum ad invicem accessus perpetuò discludatur; cujus rei melior accomodatio pro locorum Constitutione Superiorum discretioni relinquitur, deniquè fenestræ cubiculorum & totius domus Sacerdotalis bene ferreis clathris obseratæ, & munitæ sint; noctu, occlusis diligenter foribus claves ad superiorem deportentur, ita ut neque intrandi, neque exeundi ulla occasio, ac suspicio esse possit; Et sic tota Domus in timore Dei, & apud prudentes in bona æstimatione stabit.

LVIII.

Pariter Domus Clericorum (etiã ubi familia rustica non est) ubiquè tam in parochijs, quàm in loco decanali & alibi sic accomodetur, ut Sacerdotes & Clerici omnes cum superiore Domus in congressu commu-

muni habitare possint; domus universim seris tectis muniantur, & cautelæ supradictæ ubique adhibeantur.

LIX.

Parochus vel Beneficiatus (assumpto Socio Sacerdote, vel hoc deficiente, alio innocentia suæ teste) ad minimum semel in septimanâ visitet domum familiæ rusticæ (quod in alijs quoque Oeconomis universim observandum) videatque num ea, quæ in Domo sub curâ retinentur, illæsa conserventur, & benè expendantur, atque advertentes aliquid non ut oportet conservari, aut expendi, sic corrigant, ut imposterum rectè, & solidè omnia fiant; negotijs cum debitâ gravitate, imperio, & modestiâ expeditis ad Sacerdotalem domum revertetur.

LX.

Quod si cum scemina ratione pastoralis officij vel aliâ rationabili causâ necessario loquendum fuerit, in do-

domum Clericalem non intromittatur, & quæ consilij, necessitatis, & salutis animarum gratiâ loqui oportuerit, Clerici paucis cum gravitate & modestiâ, in loco patenti absolvant. De cœterò superiores mulierum consortia absque dispensatione strictissimè præscindant, omni etiam pio prætextu excluso, mulierumque Visitationes extra casum gravioris ægritudinis nulli unquam permittant.

L X I.

Ut ministerium quoad eos famulos, qui ad dies vitæ in hoc Instituto servire volunt, feliciùs succedat, superiores providebunt, ut ad hujusmodi munus Juvenes morigeri suscipiantur, qui maturè a mundo abstracti, in culinæ ministerio, alijsquè operibus domesticis, probè aliquot annis instruantur. Hosce famulos pietate pollentes Institutum ad dies vitæ sanos & infirmos, senes, & vegetos retinebit, & omnia necessaria ipsis sub-

subministrando, ex debito obligationis amanter sustentabit: iisdem nihilominus certa merces annua constituetur, ut quod ultra vestitum & alia necessaria exinde restat, pro eorumdem sustentatione á superioribus in senio vel aliá necessitate, expendatur, priusquam ad communia Instituti bona pro sublevandis eorum necessitatibus recurratur: casu verò quo in necessitatem talem non inciderint, id quod ex ejusmodi famulorum mercede restat, penes Institutum manebit, pro alijs similibus occasionibus expendendum.

L X I I.

Invigilabunt quoque superiores, ut etiam cæteri famuli, qui ad tempus tantum inserviunt sint fideles & experti, quatenus hac ratione debitum servitium omnibus præstetur, ac necessitati singulorum sufficienter prospiciatur. Ad omne periculum, tam in spiritualibus, quam temporalibus excludendum, parochi cæteri-
que

que beneficiati & Clerici quicunque circa susceptionem, & dimissionem domesticorum, superioribus ad nutum obtemperabunt.

**DE SUPERIORITATE
DIRECTIVA, EIVSQUE
NECESSITATE, AC PRIN-
CIPIS PRACTICIS VT
HOC INSTITVTVM PERPE-
TVO IN CLERO CON-
SERVETVR.**

LXIII.

VT hoc Institutum feliciter subsistat debitam inter membra respectu superiorum & inferiorum subordinationem requirit. Vnde præter publicam Reverendissimis DD. Ordinarijs præstandam obedientiam quædam directiva morum, ad disciplinæ vigorem in Clero servandum, statuitur, per quam singulorum qui de hoc Instituto sunt, vita in

E

via

viâ charitatis immediatè inspiciatur;
 & sic Clerici cum suo legitimo ca-
 pite, quod sunt Summus Pontifex,
 & Reverendissimi D. Ordinarij per-
 fectiùs, quàm unquam coadunen-
 tur.

STATUTUM LXIV.

Porro hæc superiorum ejusdem In-
 stituti directio, privata solummodò
 & Oeconomica eò potissimùm spe-
 ctat, ut à Clericis eidem addictis
 omnia & singula tam in spirituali-
 bus, quàm temporalibus, juxta ejus-
 dem Constitutiones fiant; qui contra
 eas deliquerint, paternè moneantur;
 quin & inter domesticos parietes, le-
 vioribus pœnis medicinalibus potis-
 simùm si ita res postulare videatur,
 corrigantur; ij denique qui à Reve-
 rendissimis DD. Ordinarijs ob gra-
 viores excessus publicâ auctoritate
 puniti fuerint, subsequenter in do-
 mibus Emeritorum per exercitia spi-
 ritualia, exempla & monita piorum
 virorum, solidè emendentur: In reli-
 quis

quis verò uná cum omnibus hujus
Instituti membris quivis Superior
Summo Pontifici & Reverendissimi
D. Ordinarij sui Iurisdictioni sic sub-
est, ut non tantum ad eaquæ á Cle-
ricis Sæcularibus communiter præ-
standa sunt, sed etiam ad Consti-
tutionum hujus Instituti, ac debitæ
disciplinæ observationem á Reve-
rendissimis DD. Ordinarijs adstringi
possint.

L XV.

Quamobrem omnes, & singuli non
solum Dei mandata, Divinaque
Consilia filialiter observent, & man-
datis Ordinationibusquæ S. Sedis A-
postolicæ, ac Reverendissimorum
DD. Ordinariorum debitè se se su-
bijciant; verum etiam Constitutioni-
bus & disciplinæ hujus Instituti tam
supremus Præses, & Superiores reli-
qui, quam cæteri Clerici obtempe-
rent, prout uniuscujusque conditio
requirit, ut sic totus status unde-
quaque perfectus in sua compage

conſervetur . Cæterum obedientia ,
reſpectu ſuperiorum hujus Inſtituti ,
nulla ſpecialis ex obligatione Iura-
menti , ſed ſolummodò ea eſt , quæ
ex jure naturali in quovis ſtatu ſupe-
riori legitimè mandanti debetur .

L X V I.

Superiores ſe ipſos exemplum præ-
bentes in quotidianis exercitijs , &
obſervatione ſtatutæ diſciplinæ pri-
mi exiſtentes , per prudentiam & di-
ſcretam moderationem ad ſui amo-
rem omnes trahentes , cā ſuavitate ,
regant , quā ab omnibus libenti ani-
mo rationabile obſequium diſcipli-
næ obedientiæque præſtetur ; Vnde
quamdiu per ſolas admonitiones , pa-
ternasquè Ordinationes ſubditos ad
ea quæ præſtanda ſunt inducere va-
lent , poteſtate ſibi traditā , mandan-
do ſub obedientiæ vinculo , uti non
debent , ſed ſolummodò dum ſubdi-
tos ſuos aliā ratione , in rebus gra-
vioris momenti ad obſervantiam re-
rum præſcriptarum , inducere ne-
que-

queunt; præprimis verò attendere debent ad debitam punctorum substantialium, Communitatis bonorum, cohabitationis fraternæ, & mulierum separationis practicam observantiam.

LXVII.

Ordinariè autem hic ordo in correctione alicujus, qui contra Instituti Constitutiones, ac præcipuè contra puncta substantialia delinquit, conformiter præcepto de fraterna correctione á Christo Domino Nostro Matt. 18. expositá servandus erit. Primò moneatur fraternè ab immediato superiore suo, vel alio quocumque; Secundò si hæc fraterna monitio nihil proficiat, recurratur ad mediatum superiorem Diœcesanum vel alium: Quod si verò superiorum Instituti charitativas admonitiones, & correctiones contempserit, deferatur ad Ecclesiam, videlicet ad competentem Iudicem Ecclesiasticum, qui pro sua jurisdictione,

ad parendum talem compellat: In delictis autem publicis personarum, hujus Instituti, si Reverendissimus D. Ordinarius à se statuendas poenas, potiùs in domo Emeritorum, quàm alibi persolvi à reo voluerit, in eo superiores Instituti stricte obedient.

LXVIII.

In specie verò quilibet superior ea fideliter exequatur, quæ sui sunt muneris, nec in officiũ alterius majoris, aut minoris superioris inordinate se immisceat, ne confusio suboriatur; neque etiam rerum cælestium contemplationi ac spirituali quieti in tantum se tradant, ut reliqua fastidientes suorum curam, vel obiter tantum gerant, vel omninò negligant quæ omnia in homine privato virtutis, in Superiore verò maximæ virtuositatis esse merito censenda sunt.

LXIX.

Divinis promissionibus innixi, viam regiam confidentiæ in Deum in quibusvis negotijs, adversitatibusque

que constantissimè teneant, certissimè sibi persuadentes Omnipotentem Dei bonitatem semper plura nobis dare paratam esse, quàm nostra necessitas requirat. Insuper regimen suum solidà & constanti probitate, ac pietate in Deum, ita firmare satagant, ut inter suos tanquam Sol à mane usque ad vesperam, Sancto quodam virtutum fulgore lucere, conspiciantur; Apostolo monente: *Te ipsum præbe exemplum bonorum operum.*

L X X.

Constitutionum observationi sedulò invigilent, majorum placitis inhærendo, novitates fugiant, ad externam quoque disciplinam solidè observandam magno zelo incūbant, ut subditi facilè intelligant transgressionem etiam minimorum superiori suo displicere. Conferentias spirituales suis temporibus instituunt, & cum suis privatim etiam sæpiùs loquantur, ut sciant in quo statu quis-

que versetur, & quas necessitates tam in spiritualibus, quàm temporalibus patiatur.

L X X I.

In omnibus tales se subditis exhibere satagant, quales ipsi libenter etiam alios erga se habere vellent, si subditi essent, & maximè sibi curæ habeant, ut sine suæ personæ acceptione uniformem alijs cohabitantibus in humili mentis, ac spiritus submissione vitam degant, & nec minimum talis eminentiæ signum edant, quod proprium amorem, aut suæ personæ honorem, fastumque animi sapiat; sed in omnibus actionibus ac mandatis mansuetudinem verborum suavitatem morum, modestiam & charitatis affectum demonstrent, ut sic subditi in obsequium obedientiæ captiventur.

L X X I I.

Erga omnes humanitate, comitateque utantur, faciles aures eorum honestis postulatis præbendo, & pro
di-

diversitate nationum, gravitatem, severitatemque ita conjungant, ut qui amore regi malunt, filios se esse experiantur, qui verò secus fecerint, imperium sentiant Superioris: beneficijs quoque domesticæ charitatis, omnes sibi in obsequium amoris devincire conentur, & eorum delicta virgâ severitatis ac justitiæ ita corrigant, ut tamen simul oleum consolationis ad exemplum Samaritani vulneribus infundant; Insuper diligenti circumspeditione ad suorum necessitates attendant, & tempestivè easdem sublevare studeant; omni etiam horâ promptam benefaciendi voluntatem accedentes experiantur.

L X X I I I.

Simplicem veritatem ut pupillam oculi custodiant, ut sicut os loquitur, ita & cor sentiat, animique candorem & sinceritatem tam in verbis, quam in factis exclusâ omni politicâ simulatione sic præferant, ut subditi de contrario nullam suspicio-

nem habentes, verè sentiant turò se illis fidere posse. Datam fidem erga omnes fideliter custodiant, & si quid secretorum subditi illis crediderint, silere sciant.

L X X I V.

Ad animi fortitudinem in adversis. in omni vità suà magis conentur, quàm domesticorum & proprijs malis possint resistere, atque æquo animo prudenter ad exemplum Christi, & Sanctorum ejus tolerare. Pondere fortitudinis caveant, ne nimia animi facilitate ad omnem subditorum propensionem, precesque propositam ante sententiam mutent. In rebus agendis deliberationes serias præmittant, ad quas tam experientia, quàm natura prudentiores adhibeant; proponant res discutiendas absque inclinationis Inæ manifestatione in vtramque partem: interim tacitè secum rationum momenta discutiant, concedantque consultatoribus sufficiens pro rei gravitate tem.

tempus deliberandi, ut sic in ferendis
sententijs prudenter procedant.

L X X V.

In sententiá, quam semel consilio
elegerunt fortissimè persistentes etiá
non obstantibus quibuscumque con-
trarijs ad executionem rerum con-
stantissimè provehantur; si tamen,
propter circumstantias primùm ex
post facto supervenientes, aut prius
ignoratas, moralis impossibilitas
rerum exequendarum, aut majora
damna ab executione proventura
conspiciantur, prudentiæ erit cum
consilio seniorum, aliam viam in-
gredi: prætereà innatum animi tem-
porem viriliter corrigant, maturèque
malorum iniurijs obsistant, medicinas
oppositas non ad extrema conijciant,
laborum pertæsi.

L X X V I.

Iustitiam diligant, eamque in-
differenter erga omnes observent,
suorumque delicta impunita non re-
linquant, in horum tamen vindica-

tione pro rei gravitate & personarum qualitate itá se gerere studeant, ut omnes medicinam potius, quám vindictam sentiant. Insuper prudentiá utantur, quá in delictis quædam dissimulare sciant, quæ tempore magis congruo corrigantur; graviora prius corrigant, & gradatim ad minora sic descendant, cognoscantque cujusque naturam, quibus potissimum singuli facilius corrigi posse videantur.

L X X V I I.

In rebus agendis extrema devitent, proinde rigidiorē partem nunquam facile amplectentur, quamdiu per mitiorem viam se obtinere posse correctionem sperant; neque interim per neglectum aut contemptum minimorum solis gravioribus invigilandum esse sibi falsò persuadeant, aut in hisce errantes admonere & punire negligant. Memores quoque potestatis superioritatis sibi factæ, cujusdam fictæ humilitatis

tis studio, sua mandata, seque ipsos subijciendo contemni non permittant; multò minùs subditorum iudicia suis ità antepo- nant, ut malint ex illorum sententiá errare, quàm ex suà prudenter aliquid ordinare.

L X X V I I I.

Vt in perpetuá quadam erectæ mentis Statione suo officio invigilare valeant, temperantiæ fulgore omnibus tam domi, quàm foris præluceant, & convivia devitent; neque spreto domesticorum suorum commercio externorum conversationem, & amicitiam ambient; sed libenter cum suis esse, conversari, & convesci satagant; erga quos etiam, uti erga omnes alios liberales cum debita tamen moderatione existant. In conversatione se suis ridendos nunquam exhibeant; nec rebus illis se immisceant, quas ignorant, aut in quarum scientiá non excellunt, inde enim dedecus potius, atque contem-

reemptus, quàm authoritas in eos redundare solet.

L X X I X.

Venerationis, aliarumque prerogativarum obsequia sibi à subditis præstita mutuo honore, & charitatis officio omnibus grati rependant; quin & tametsi ejusmodi venerationum stipendio subinde priventur, à charitativo tamen eorum obsequio minimè recedant; hoc namquè animos mirè devincire, ac quasi captivare consuevit. Animi motus sibi subiectos moderatèque suspensos habeant, maxime verò iracundiæ frænum injciant, & ubi subnascentes illius stimulos senserint, vincant se ipsos, & cum tranquilla mens fuerit, quidagendum sit judicent.

L X X X.

Caveant se respectibus humanis induci, ut horum intuitu ea inferioribus permittant, quæ cum Instituti disciplina, felicibusque ejus progressibus pugnent; In omnes intentos,

ha.

habeant oculos, & in eos etiam quorum virtuti atque industria multa committuntur; caveantque ne in eos nimia, vel confidentia, vel diffidentia ferantur; quia utrumque felicem familiæ gubernationem nonnunquam labefactat. Similiter uni nimium addicti tantum nunquam tribuant, ut alij se neglectos contemptosque sentiant; quæ omnia æmulationes, & contemptus, aliaque ingentia mala in gubernationem domesticam invehere solent.

L X X X I.

Detractionibus non solum fidē, ac aures non præbeant, sed veluti pestem hoc vitium proscribant; Adulatorum assentationes fugiant, neminemque in sua consilia admittant, quem hujus vitij reum habuerint. Quæ talenta unicuique Deus, natura, experientia, ætasque concesserint, Superiores solerter observent, & ex eorum cognitione munera domestica singulis dividant.

L X X X I I.

Seniores, ac laboribus fractos ex animo colant, & venerentur, illorumque necessitatibus sedulò occurrant, paternèque habeant. Paternam infirmorum curam gerant, ex animo illis condolendo, sæpius visitando, verbis, alijsque tam spiritualibus, quàm temporalibus medijs consolando. Cognoscere quoque debent domesticorum suorum egressum & ingressum, quibusque in occasionibus, & cum quibus conversentur, quid á singulis domi fiat, omnesque domestici ordinis ac disciplinæ perturbationes pro viribus eliminare conentur.

L X X X I I I.

Vt officio suo eò magis satisficiant, in diarijs omnia notabilia consignabunt eo ordine & modo, ut si necesse sit, omnibus rationem reddere valeant. Sic iuramenta á singulis præstita, & manu propriá subscripta, aliaque ejusmodi particula-

ria

ria certo loco asservabunt, & ut has ordinationes perpetuò observent, singulis diebus tacitè secum penitent, quid in officio sibi commissò neglexerint, & si quid deprehenderint, seriò proponant cum divinà gratia in humilitate spiritus emendare.

De Regressu ad Superiores.

L X X X I V.

V Nicuivis subdito recursus ad Superiores majores conceditur, ut si quandoque quispiam á suo immediato Superiore, siuè in spirituali, siuè in temporali necessitate indebitè gravaretur, & de illis Superior humiliter rogatus remederi nollit, in eo casu ad mediatum & altiorrem Superiorem, eo amoris, & confidentiæ filialis affectu accedat, quo filius ad Patrem necessitate pressus accedit; servandus tamen erit in ejusmodi recurso debitus ordo, ut saltem

114 *Consi pro direct. Sacerd.*

tem regulariter , & sine speciali causá , ab infimo Superiore , omisso medio ad supremum non recuratur, excepto recurſu ad S. Pontificem , qui ſemper etiam omiſſo medio adiri poteſt .

L X X X V.

Quod ſi ob quamcunque difficultatem á Superioribus huius Inſtituti per privatam & œconomicam directionem , ſervato prædicto ad Superiores reſreſſu , non correſtam , ad forum publicum in rebus hoc Inſtitutum concernentibus á gravato deferenda foret , decifio talis difficultatis , juxta huius Clericalis Inſtituti Conſtitutiones á S. Sede Apoſtolica approbatas, & Sac. Canones regulatur ab eo Reverendiſſimo Domino Ordinario in cujus Diœceſi ejuſmodi difficultas occurrit .

L X X X V I.

Prædictus reſreſſus in verá , benè conſideratá , & rationabili neceſſitate , quæ vel perſonam , vel œconomiam

miam, vel statum concernat, ita fiat ut interim de pristino, ac debito amoris affectu, aut de subjectionis voluntate, ac promptitudine nihil remittentes, omnia æquo animo, sedatis prorsus passionibus cum debita humilitate, suæ voluntatis resignatione, ac prompto & indifferenti ad omnia animo, Superiori aperiant, & ejusdem Iudicio tanquam filij obedientiæ acquiescant. Modum denique eum in prædicto regressu ad Superiorem observent, ut inde nulla incommoda, aut disciplinæ domestica detrimenta consequi possint.

*De revelatione hominis interioris
Superiori facienda.*

L X X X V I I.

Medium in primis necessarium ad conservandos status spirituales in debitâ suâ perfectione, & perenni felicitate est revelatio hominis sui interioris, cujus beneficio noti-

ti,

116 Conf. pro direct. Sacerd.

titia acquiratur, quâ proprijs quarumlibet tentationum & supplantationum diaboli (quibus ipsam statûs substantiam, & genuinum vocationis spiritum paulatim in singulis membris infringere, enervare, & pessundare conatur) principiis maturè obvietur ac resistatur, insidiæque mundi, ac carnis maturè depræhensæ detegantur ac declinentur, aut futuræ imminentesque præcaveantur.

L X X X V I I I.

Proindè singulis annis unusquisque semel tempore exercitiorum, Spiritualium Patri suo Spiritualitotum hominem suum spirituales, & internum fideli sinceritate revelet, & detectis eâ ratione Diabolicæ supplantationis insidijs, & salutaribus ejusdem consiljjs contra easdem munitus interim de novo piè Sancteque vivere, & in via salutis, ac perfectionis progredi incipiat; Confessario quoque suo proprio suum internum hominem tam ad bona, quàm ad mala

la aperiant, instinctusque sive bonos sive malos revelent. Præterea per modum familiaris colloquij Superiori in districtu decanali omnes Clerici qui sub ipso degunt, tempore visitationis fideliter statum in quo pro tempore quoad suum hominem Spiritualem fuerint, aperient; cujus etiã Spiritualibus medijs, & pijs monitis, quæ præscripserit, diligenter acquiescent.

L X X X I X.

Idem observabunt Superiores Decanaliū districtuum respectu Præsidis Diœcesani sub visitatione annua ejusdem, aperiendo eodem modo statum hominis sui spiritualis candidâ fidelitate; Pari ratione Præsides Diœcesani quoad suas personas, uti & illi, qui ijsdem Præsibus cohabitant, observabunt respectu majoris superioris sive tempore visitationis, sive alio tempore convenienti, singulis annis hominem suum interiorem pari ratione revelan-

lantes, & sic per ordinem Superiores omnes usque ad Supremum Præsidentem id observabunt. Denique ipsemet Præsides Supremus in annuis exercitijs eandem revelationem hominis sui interioris Patri suo Spirituali faciet, pari quoque ratione negotium animæ suæ in humilitate & fidelitate cum Confessario suo proprio omni tempore vitæ suæ pertractabit. Porro dexteritas in superioribus requiritur, ut revelantem ad sectandam majorem perfectionem, in fortitudine Spiritûs excitatum cum consolatione dimittant.

De notitiâ Personarum habendâ .

X. C.

Quantum fieri potest Superiores hujus Clericalis Instituti notitiam de singulis, & de totius statûs Constitutione providere omni tempore callere oportet, quâ ratione singuli ad obtinendam æternam salutem,

&c

& status totus ad debitam suam perfectionem quam congruentissimè dirigatur : In hunc finem quilibet Superior tam pro spiritualium rerum , quàm temporalium directione constitutus , notabit ea , quæ consideratione digna fuerint : Deindè totius Instituti Præses pro felici gubernatione nosse debet singulorum districtuū statum , uti & alij superiores districtūs sui notitiam habebunt : In hunc finem Superiores inferioris ordinis , majoribus Superioribus de personis sibi subditis debitam informationem certis temporibus dabunt ; scilicet Superiores Seminariorum de suis studiosis , uti & Superiores Domuum emeritorum de personis ibidem existentibus , Superiores districtuum decanalium de personis sui districtūs , & sic per ordinem .

Ordinationes pro Oeconomis .

X C I.

VT Communitas bonorum cum majori fructu Ecclesiæ Catholice, ac præsertim Cleri executioni dari possit, & ut omnia hujus Instituti membra videant, ac re ipsâ experiantur, quod præter bonum in rebus, & exercitijs spiritualibus ordinem, etiam temporalium administratio in omnibus, quoad fieri potest, ordinate procedat, singulorum locorum Oeconomi eam in administrandis rebus temporalibus adhibeant curam, ut meritò singuli propter bonum in rebus omnibus ordinem ex animo latentur.

X C I I.

In hunc finem tam Superiores, quàm Oeconomiarum administratores, & quicumque aliquo modo rerum temporalium curam habent, magnâ curâ, providentiâque circumspi-

ſpicientes attendant tam ad ſubditos ſuos, quàm ad univerſæ Oecono-
miæ adminiſtrationem, eumque in
eadem ordinem conſtantiè obſervare
ſatagant, ut ex illa unicuique omnia
non ſolùm ad neceſſitatem, ſed etiam
ad convenientem commoditatem mi-
niſtrentur; itaque omnes qui ſimul
habitant exindè ſatisfactionem ha-
beant.

X C I I I.

Ad obtinendam prædictam admi-
niſtrationem domesticam ſpectat, ut
ſingularum huiusmodi rerum admi-
niſtrationes ita dividantur, quatenus
mediante ſubordinatione officiorum
à ſummo uſque ad infimum ſinguli
in ordine, ac munere ſuo ritè præ-
ſtando omni tempore contineantur,
& ordinationis ſuæ directionem à
Superioribus capiant.

X C I V.

Oeconomi ſeipſos alijs non præ-
ferentes, ac potiùs in omnibus per
abnegationem ſui exemplum præben-

tes, itá cum alijs uniformitér per omnia vivant, ut intrá omnes ab infimo usque ad summum, amoris, pacis, mutæ dilectionis, & unitatis vinculum integerrimé conservetur, dum omnes (cæteris paribus) ex prædictá rerum omnium uniformitate se veré pro filijs, & domesticis haberi manifesté deprehendunt.

X C V.

Quód si contingat aliquem esse debilioris complexionis, superiores illius infirmitati paterné condescendentes, eundem cum consensu Reverendissimi Ordinis in Parochiá, vel conditione aliquá ubi cum socio secundum aliquas commoditates sibi necessarias commodius vivere possit, exponi curabunt. Univerſim erga suos in infirmitatibus & alijs casibus humanæ necessitatis austeri non existant, sed magis per omnia ijsdem compariantes, se veré & cordialitér charitativos exhibeant.

Ob

X C V I.

Ob gravissima damna, quæ tam ex parte domesticorum, quam externorum evenire solent æs alienum non contrahant; proinde familiam suam eâ circumspeditione instituant, ne facile unquam annuisumptus, reditus excedant, ex opposito namque cumulata debita debitis accrescunt.

X C V I I.

Pro domesticâ politia debitè conservandâ, omni possibili conatu, diligentia, ac providentiâ curent rerum omnium munditiem servare; non minori sedulitate studeant, ut omnia & singula in suis locis sint disposita; In quovis loco particulari vestiarius ordinetur, in quo sicut omnia vestimenta asservari, ita etiam ex eodem omnia & singula cuilibet subministrari oportebit: debita quoque Bibliothecæ & librorum cura habeatur, talesque libri procurentur qui potissimum pro meditationibus, lectione spirituali, concionibus, ca-

thechesibus ; & similibus usibus necessarij erunt ; Catalogus quoque librorum in eodem loco asservetur.

XCVIII.

Quemadmodum abjectio aut nimius luxus externæ speciei, atque habitus Clericum apud omnes vituperare, & contemptibilem reddere, ita modestia, & honestas maximè semper commendare consuevit ; inde enixè laborandum est, quâ ratione utrumque jungatur. In vestitu ergo uniformitatem & honestatem, longarum togarum, sive talarium, cum collaribus, prout honestos Clericos decet, ubique terrarum omnes diligentèr observabunt. Cura autem hujus penes dispensatorem rerum, temporalium cujusque loci erit ut suos honestè, & maturè vestiri faciat, & uniformitas quantum fieri potest, perpetuitate quâdam ubique & in omnibus observetur. Materia togarum talarium universim ea erit, quæ & honestatem & modestiam in homi-

mi.

mine exteriori præferens individua quâdam societate conjungit, qualis omnis illa materia esse potest (servata discretionis proportionem aliquo modo ad officium, & dignitates externas) quæ splendore, formâ, alijsque qualitatibus vanitatem, luxum, & molliciem minimè præferat.

X C I X.

Similitér in victu alijsque quibuscunque rebus eam cæteris paribus æqualitatem, & uniformitatem erga omnes observent, quâ debita animorum unio inter domesticos foveatur; ejus quoque providentiæ Superiores & Oeconomi esse debent, quâ singulorum necessitates sollicitè respiciant, & præveniant; aliorum quoque consilio præsertim in rebus gravioribus familiam suam in via charitatis fideliter administrent.

C.

Quod attinet ad rationem administrandæ Oeconomiæ ad extra studiosè caveatur, ne avaritiæ nota huic

Clericali vitæ Oeconomorum sive aliorum culpâ meritò imputari possit: Hinc, si legata quædam pia huic Instituto advenirent, in ijs magnâ cum moderatione, & quarumcumque personarum satisfactione, quantum prudenter fieri poterit, procedi debet; Pari modo in vendendo & emendo Oeconomi æquitatis sint memores; Opificibus quoque & operarijs satisfactionem sine morositate præstent: idem etiam observetur quoad famulos aliosque domesticos.

C. I.

Circa Iura stolarum, oblationes annuas, funeralia, ac similia accidentalia omnes omninò tam prudentiæ, quàm discretionis memores, liberum illis, qui talia solvere tenentur, relinquunt dare ex bono & libenti animo, quod justum & æquum ipsimet judicabunt, & sinè gravi difficultate dare poterunt; Quod si verò bonitate & discretionem illâ subditos abuti videant, tum meritò quæ sibi ex Iure

Parochiæ & Ecclesiæ ordinatione debentur ad Iura Parochialia manutenda postulare poterunt, & subinde debebunt.

CII.

Vnusquisque Sacerdos beneficiarum addistribuendum pauperibus aliquid habeat, ut pro ijsdem convenienter expendatur. Ordinariæ tamen elemosynarum elargitiones non ab omnibus passim fiant, sed ab Oeconomo aut alio ab eo deputato.

CIII.

Iuxta Constit. 20. Sacerdotum super redditibus omnibus tam fixis, quàm accidentalibus, uti & super expensis tam ordinarijs, quàm extraordinarijs, justus & exactus calculus ab omnibus Oeconomis in manuali sive libello quodam ubique teneatur, ordinatumque quoddam ratiocinium quot annis ab unoquoque Oeconomo, de omnibus acceptis & expensis conficiatur, ac certo loco, ac tempore præscripto exhibeatur. Ut verò or-

dinatiùs in hoc puncto procedatur, particularia ratiocinia asserventur in quovis loco particulari, decanalìa in loco decanali, extractus eorumdem apud capsam Diœcesanam, sicque usque ad calculum generalem omnium rerum hujus Instituti procedendo, quatenus superioribus convenienti tempore ubique exhiberi possint.

CIV.

Archivium particulare in quovis loco, & aliud in loco decanali, uti & in quavis Diœcesi, & Archidiœcesi, generale denique pro toto Instituto ordinari debet, ita ut in particularibus documenta Porochialia, specificatio reddituum, inventaria rerû domesticarum, unâ cum inventarijs librorum, & similia: in generalibus verò Archivijs generalia documenta asserventur eo ordine, & modo, ut pro quâvis occasione statim ad manum haberi possint.

DE OFFICIO ET DIRE- CTIONE SUPERIORVM IN SPECIE.

C V.

Superiorum hujus Clericalis Instituti sequens subordinatio statuitur, uti & Oeconomorum qui dependenter à Superiorum directione rerum temporalium curam gerunt; ut ita ab infimo usque ad summum tam Superiores, quam Oeconomi inter se connexionem, & debitam dependentiam habeant, ultimaque dispositio hujus Instituti à Præsidente Supremo derivetur, ut sic mutuo consilio & directione, ordine suo peragantur, & dispensentur.

C V I.

Tota verò subordinatio tam Superiorum, quam Oeconomorum in quinque gradibus personarum consistit. In primo sunt superior cujusque loci particularis; in secundo su-

perior alicujus districtus Decanalis ,
 & Oeconomus ; in tertio Præses , &
 Oeconomus Diocesanus ; in quarto,
 ubi Diœceses quædam corresponden-
 tiam habent , Præses Archidiœcesa-
 nus , & Oeconomus ; In quinto de-
 nique Supremus totius Instituti Præ-
 ses cum suo Oeconomo ; qui omnes
 quatenus á Reverendissimis DD. Or-
 dinarijs suis dependant , habetur
 supra numero LXXXVI. & in sequen-
 tibus clariùs exponitur .

DE PAROCHIALI , ET CIVIS- QUE LOCIS PARTICVLARIS DIRECTIONE .

CVII.

Quia Clerici, & Sacerdotes hujus
 Instituti per pagos, & Oppida
 in salutem populi dispersi bini, terni,
 vel plures cohabitare solent, divisim
 in singulis locis superioritas, & in-
 ferioritas constituatur necesse est, ut
 di-

disciplina debitum observationis effectum sortiatur, dum omnes uni in quovis particulari loco obediunt, quam superioritatis directionem perpetuò is habebit qui Parochus, sive principalis beneficiatus cujuscunque loci pro tempore extiterit.

C V I I I.

Cui proinde non solum tota familia, verum magis Clerici cohabitantes in omnibus, quæ rationabilia secundum Deum fuerint, tam in spiritualibus, quam temporalibus secundum præscripta hujus Clericalis Instituti obediunt; qui tamen non omnia proprio motu disponet, sed suorum Consilium in omnibus, quæ alicujus momenti fuerint, adhibebit.

C I X.

Singuli locorum particularium Superiores suorum maximè domesticorum curam ex animo gerant, diligentique circumspectione accédant, ut timor Domini & animorum unitas

perpetuò in ædibus suis vigeant: tam in gubernatione domús, quàm administratione Oeconomix dirigi se sinent à sui Decanalís districtús Superiore, & quæ in visitatione vel aliàs fuerint mandata, diligenter observabunt.

C X.

Inspiciant frequenter in anno res quæ possidentur, ut quæ reparatione indigent maturè reparentur, aut quæ servando servari non possunt, de illis maturè disponatur. Vigilanti etiam curâ ad supellestilia, libros, cellam, & loca frumentis deputata attendant, ne quid intereat furto, prodigalitate, aut alio modo malè distrahatur; quare claves diligentèr penes se, vel (si ratio particularis ita postulare videatur) Clericos sibi cohabitantes retinebunt.

C X I.

Originalia decimarum aliorumque proventuum instrumenta in Archivio cujusque loci diligenter asser-

ven-

ventur cum annotatione temporum quibus quæque pendi solent, juxta quorum normam singulis annis fiant duo libelli, ut in unum referantur per ordinem prædiorum perceptæ decimæ, in alterum verò annui Canones, si vè hi in certa pecunia, si vè in alia re pendantur; sine præscitu Superioris districtus Decanalis fructus decimarum in agris non vendantur, nihilquè quoad locationes, contractus, aut debita contrahenda, aliaque similia spectat sine ejusdem Consilio, aut consensu faciant; cui tamen rationes suas in contrarium, si quas habuerint, modestè proponant.

C X I I.

Inventarium ordinatum secundum certas Rubricas omnium mobilium quæ in domo sunt, vel ad ipsam spectant, habeant, illudque annuatim tempore visitationis renouent, adscribendo ea quæ noviter advenerunt, & expungendo quæ absumpta vel
ven-

vendita fuerint. Referant quoque, summam in Codicem lites, & acta quæ alicujus momenti circa res temporales contigerint. Si quæ utensilia ab extraneis commodato acceperint, annotent omnia speciatim, & calculo rerum domesticarum specificationem adjungant, donec singula restituantur.

C X I I I.

Nullos Notabiles sumptus in ædificia aut alias extraordinarias causas exponent, sine præscitu Superioris Decanalis & expresso illius consensu, & quod in usus quotidianos oportebit necessariò impendi, curent, ut id debitâ utilitate & industriâ fiat.

C X I V.

Conscribent de die in diem secundum certas Rubricas in Libro sive Manuali ad hoc deputato, tam quæ in frumentis, quàm quæ in pecunia & alijs acceperint, & expenderint reddantque desuper rationem Superiori districtus Decanalis saltem semel.

mel vel bis in anno quando visitabit
Cui etiam debita & credita Parochie
aliaque majoris momenti negotia,
& acta sua indicabunt, ut ita totius
familie statum plenè intelligere pos-
sit.

C X V.

Pecunias, quæ ad quotidianos usus
non fuerint necessariae, seorsim repo-
nant, prompto paratoquè animo
consignandi Superioribus suis, quan-
tum ex ijs in aliquà particulari ne-
cessitate ad bonum hujus Instituti Su-
perioribus necessarium visum fuerit.

C X V I.

Tenentur certo statuto tempore
facere relationem Superioribus di-
strictus Decanalis, non solum de vi-
ta & moribus Clericorum sibi coha-
bitantium & domesticorum, verum
etiam quo in statu familia tam circa
temporalia, quam spiritualia ver-
setur, & quæ pericula incommoda-
que emergere posse videantur. Ad
Conventum in districtu Decanati ha-
ben

bendum annuatim quoque debent comparere, scientiarum exercitationes frequentare, aliaque media arripere, quæ ad conservationem institutæ disciplinæ à Superioribus salubriter fuerint ordinata.

C X V I I.

Clericos sibi cohabitantes ad nutum Superiorum (postquam à Reverendissimis Dominis Ordinarijs id petatum & concessum fuerit) suscipient vel dimittent, prout commune Parochianorum, vel Clericalis hujus Instituti, aut particulare ipsorummet Clericorum bonum requisiverit. Qui verò Canonicè investiti Parochi vel beneficiati fuerint, non nisi ex rationabili & gravi causa à Reverendissimis Dominis Ordinarijs cognita & approbata (servatâ Sacrorum Canonum & Sacri Concilij Tridentini dispositione) mutabuntur. Ad Vacantia beneficia non pro arbitratu suo aspirabunt, sed expectabunt, donec à Superioribus Instituti Ord-

di.

dinarijs ad ea assequenda commendentur.

De Oecono Parochiali.

C X V I I I.

O Economus cujusque loci particularis ordinarié ipse Parochus erit, aut qui in illo loco primas tener; quod si tamen Parochus in Spiritualibus magis, quàm temporalibus præstaret, vel pietatis studio absorptus, hæc infima despectare videretur, ad illius instantiam Oeconomix administratio in alium aptiorẽ transferri poterit; ita tamen ut Parochus Superior semper existat, ab ejusquẽ directione ille Oeconomus dependere debeat.

C X I X.

In casu quo ipse Parochus Oeconomiam administrabit, inferiorem quandam dispensationem Clerico cuidam cohabitanti ad hoc apto dabit. Verbi gratia curam vestiarij, cel-

138 *Conf. pro direct. Sacerd.*

cellæ vinariæ, expensas quotidianas minutiores in culinam, accepta in scola minori, de quibus omnibus singulis mensibus rationem reddere teneatur.

Observanda quedam ab illis, qui Parocho aut Beneficiato principali cohabitant.

C X X.

Rerum temporalium administrationi præter, vel contra officium suum nemo se immisceat, nec earum dispositionem ambiat: liceat tamen cuique prædictarum rerum dispensatorem fraternè per modum consilij de aliquo notabili emolumento vel detrimento Oeconomix admonere; res necessariae quoad vestimenta & alia utensilia ab Oeconomo singulis procurentur.

C X X I.

Quemadmodum Parochi, alijque Principales Beneficiarij, ita & Capel-

pellani, & quicumque Beneficiati, aut Clerici cum alijs cohabitantes, singuli suos redditus vel certum suum salarium habeant, de quo in usus huius Instituto convenientes congruo modo disponere possint; cum quilibet respectum & obligationem suam non habeat ad personam particularem, hanc vel illam, sed quivis ex ipsis toti Instituto quoad se, & redditus suos, ac vicissim totum Institutum, cuilibet membro obligatum intelligatur. Cæterum hæc ordinatio, quod Clerici certum salarium habere debeant, de ijs tantum intelligitur, qui finitis studijs, aut præstito Iuramento, certum officium habent. Clerici verò primæ, & secundæ classis, cum ante præstitum Iuramentum nondum ad communitatem bonorum obligentur, si quod beneficium habeant, ad aliud non obligantur, quam ut sumptus pro suis personis factos ex beneficij redditibus solvant.

Vnde

Unde is qui præest in quavis domo particulari, debet id, quod cohabitantibus Clericis ex Salaris ac creditibus ultra victum, vestitum, & alias expensas per annum superest, Superioribus consignare, ut pro ipsis Clericis servato ordine & distinctione asservetur, donec ipsi met pro Oeconomia inchoanda, vel pro subsidio pauperum parentum suorum, alijs congruis, aut necessarijs expensis faciendis indigeant, aut Instituto voluntariè in vita consignent.

Cuilibet Beneficiato aut Clerico aliquid pecuniæ ab Oeconomo ad obvios & quotidianos necessarios usus ita dandum est, ut postquam expendierint, tantundem ab Oeconomo denuò accipiant; accepta verò rationcinijs debito modo, & ordine, inscribantur, prout alia omnia quæ sub manibus suis concredita habuerunt certo statuto tempore in manua-

Directio pro distr. decanali 141
nuale Oeconomi referenda sunt.

*DE DIRECTIONE IN DI-
STRICTV DECANALI
SERVANDA.*

C X X I V.

VT directio Parochiarum, alio-
rumque locorum particulariū
fructuosè subsistat, sequitur secunda
superioritas, ad quam pro quolibet
Decanali districtu locorum Decani
rurales si ex hoc Instituto fuerint, aut
alii habiles ex eodem districtu assu-
mentur, qui per Iuramentum Re-
verendissimo Domino Ordinario suæ
Diœcesis, uti etiam huic Instituto
(quatenus de fidelitate eorundem,
quoad publicam Ordinario, & quoad
privatam sive Oeconomicam dire-
ctionem Instituto sufficienter provi-
deatur) sese obligabunt juxta formu-
las infrà num. 142. & 143. expressas,
solis personalibus mutatis.

C X X V.

Dicti Superiores districtuum Decanatum, si simul publico officio Decani fungantur, præter consuetam publicam functionem, quâ omnes totius Decanatus Parochos, & alios Presbyteros in foro externo dirigunt; insuper non solum quos secum in Domo Decanali habuerint, sed etiam omnes illius districtus Parochos & Clericos (qui ex Instituto sunt) secundum illius constitutiones gubernabunt, quorum directioni omnes tam in spiritualibus, quam temporalibus filialiter subiacebunt: ipsi verò eadem quæ à Parochis observanda sunt imprimis observabunt ut cæteri illorum exemplum respicientes captivati ad imitationem facilius trahantur.

C X X V I.

In quem finem memores esse debent quantoperè referat, ut suos domi, & omnes sui Districtus Sacerdotes & Clericos non secus dirigant,

Directio pro distr. decanali. 143

ac si omnes ipsis cohabitatione existerent præsentibus ; hinc in domo suâ vigilantèr curabunt omnium Constitutionum exactum servari ordinem , libentèr quoque videant, si Sacerdotes sui districtiùs frequentèr in Domo Decanali suum regressum querant , invigilentque ut omnem charitatem sentiant , & mutuam animorum unitatem inibi quasi propriam suam habere residentiam experiantur. Ex quo Capite mirè ad obsequiû imitationis , mutui amoris , & obedientiæ trahentur .

C X X V I I.

In gerendis rebus ad Directionem suam pertinentibus quorundam Sacerdotum secum habitantium, utri & in suo districtu existentium Consilium adhibeant , eorum maximè qui Iudicio Præsidis Diocesani prudentiâ, & agendi dexteritate præ reliquis pollere judicabuntur : in domo suâ Seniores Sacerdotes constituent, cui in sua absentia directionem domus com-

committant, cum instructione debita, secundum quam sciat se gerere.

C X X V I I I.

Ordinariè bis in anno singula sui Districtus loca, unà cum Socio Oeconomom visitando diligenter inspiciant, non solum transeundo, sed cum Clericis singulorum locorum, sine suæ personæ acceptatione per aliquot dies in quotidiani cursûs & exercitiorum observatione convivant, non secus ac si domi degerent, ut hac ratione cœteri excitati, ejusque in disciplina & quotidianis exercitijs jugiter adhiberi debet, sedulitatis exemplum concipiant: Videant quoque num omnia tam in spiritualibus, quàm temporalibus juxta normam hujus Instituti observentur; & quæ ex mutuis Parochorum aliorumque cohabitantium relationibus minus accuratè observari deprehenderint, verbo, & opere ad debitam observationem reducere conentur.

C X X I X.

Gravamina & difficultates singulorum audient, & pro possibilitate sublevabunt: quorum dilatio fieri non potest, & majoris momenti sunt, Superioribus statim intimabunt, eorumque dispositionem quam cum necessario præscitu & consensu Reverendissimi Domini Ordinarij fecerint, vel fieri procuraverint, studiosè exequantur: quæ verò moram patiuntur diligentèr annotabunt, ut Præsidi Diocesano desuper suo tempore ordinatè referre possint; notificent item uniuscujusque genium, quatenus ad meliorem gubernationem & salutem requiri videretur: Præmoneantque maturè de necessarijs mutationibus & morbis Parochorū, ut Superiores maturè singulis providere, & necessarias dispositiones facere, aut ab illis quorum interest ut fiant curare valeant.

C X X X.

Si officio publico Decani simul
G fun.

funguntur, considerantes duplicem obedientiæ ordinem, in ijs quæ Reverendissimorum Dominorum Ordinariorum sunt, eorum Officialibus in ijs verò quæ Institutum specialiter concernunt, Superioribus illius fideliter morem gerant, ad quod eò magis obligabuntur, si in his quoque mandatum speciale eorundem Reverendissimorum Dominorum Ordinariorum accedat, juxta quæ in visitationibus statutis ea quæ Ordinariorum sunt, ad normam publici juris instituunt, repositos defectus corrigendo; quæ vero ad hoc Institutum specialiter spectant, secundum normam Constitutionum dirigant, graviora utriusque fori sic novent, ut Reverendissimo Domino Ordinario & Præsidi Diocesano Instituti debite referre possint.

C X X X I.

Singulo trimestri, sive quibusvis anni quartalibus ordinariè Præsidi Diocesano integram relationem facien.

ciende statu in quo unusquisque locus & persona Instituti versetur, tam circa spiritualia, quàm temporalia; idem facient extra hoc præscriptum, siurgens necessitas id postulaverit. Ipsi quoque in directione sua quoad res Instituti regere permittant. Præsede Diocesano, quod à potiori etiã de alijs Superioribus intelligendum est, nihilque majoris momenti sine eorum præscitu & voluntate aggrediantur.

C X X X I I.

Ad Conventum Diocesenum, comparere tenentur, quoties Superiores Instituti eos ad hunc conscripserint; Singulis annis duos in districtu suo Conventus instituant; ad unum horum Parochi, ad alterum Capellani & Beneficiati conveniant, ut singuli referant quæ ad observationem accuratorem præscriptæ disciplinæ, & ad meliorem hujus Instituti progressum, in singulis locis circa personas, spiritualia & tempo-

148 *Const. pro direct. Sacerd.*
ralia relatu necessaria fuerint.

C X X X I I I.

Tam domus illius, in qua habitat, quam Parochiarum pecuniæ, quæ ad communes pios usus consignantur, vel etiam pro personis particularibus solummodò asservantur, reponantur in arcam ad hoc destinatam, cujus clavem unam ipse, alteram Senior Sacerdos, & tertiam Oeconomus diversam custodiat. In eadem liber asservabitur, in quo scribatur summa pecuniæ, tam quæ infertur, quam quæ effertur pro necessitatibus in districtu illo evenire solitis.

C X X X I V.

In Archivio suo diligenter asservabunt instrumenta originalia, non solum proventuum illius loci cui particularitèr præsunt, verùm etiam singularum Parochiarum transumpta manu notarij publici subscripta suis locis reponant, ut facile inveniri possint; similiter servant distinctam & ordinatam registraturam circa
acta

acta sui Officij publici (si id simul gesserint) ab ea, in quam acta Instituti oportebit referri.

C X X X V.

Post singula sexennia in locis, ubi decanorum mutatio solita est, in Conventu Decanali Superiores pro tali districtu constituti mutantur; in alijs locis ubi hoc munere perpetuò fungi solent, elapsis dictis annis, quoties rationabiliter visum fuerit, confirmari poterunt. Constituentur verò à Præside Diocesano, ubi correspondentia non est quoad Domum juventutis, & emeritorum in una Archidiocesi; Vbi verò ejusmodi correspondentia est, Præses Archidiocesanus eosdem servato ordine, & modo debito constituet: qui deinde acceptati à Reverendissimis Dominis Ordinarijs suis, eisdem juxta formulam superius citatam per Iuramentum se obligabunt. In casu quo Decanus perpetuus ob negligentiam, vel aliud Instituto intolerabile

delictum mutandus foret, interim tamen ut ab officio publico deponatur commodè obtineri non possit, Superiores privatam directionem, statutz disciplinz hujus Instituti in quemcumque habiliorem Parochum, vel beneficiatum illius districtus transferent.

De Oecono Decanali.

C X X X V I.

OMnes Parochiarumque locorum Oeconomi ab uno Decanali Oecono, qui in hujusmodi rerum administratione prudentiam, sedulitatem, & dexteritatem habere noscatur, dirigentur; qui vigilantem oculum habebit, ut non tantum in Domino Superioris Decanalis, sed ut ubivis omnia rectè ordinentur.

C X X X V I I.

Ad eum finē sæpius in anno, prout præsens necessitas, & utilitas requirit,

rit, ad singula loca veniet, ad cognoscendum cujusque Oeconomiae statum, & ad defectus si qui occurrant maturè emendandos; In defectum Oeconomi, ipse hujus Districtus Superior id præstabit per se, quod per Oeconomum ab eo dependentem præstari debuisset, donec rebus melius ordinatis, alia persona pro hoc officio ipsi adjungi possit.

C X X X V I I I.

Judicio Præsidis Diocesani unus ex Domo Decanali magis idoneus ad Oeconomiae inferioris curam constituatur, qui quotidianas expensas, & accepta in codice, sive manuali conscribat, reddatque singulis mensibus accepti & expensi rationem ut deinde ea summam in librum rationum domus Decanalis secundum certas Rubricas referatur.

**DE PRÆSIDIS DIÆCESANI
DIRECTIONE.****C X X X I X.**

IN unaquaque Diœcesi ubi receptum fuerit Institutum Præses Diœcesanus erit, qui debitæ disciplinæ & Constitutionum observantiæ inter Clericos districtum Decanaliū curam & directionem habebit; Sique Reverendissimus Dominus Ordinarius eundem Vicarij in spiritualibus Generalis munere fungi veller, ad ejusdem beneplacitum utrique, muneri cum debitâ obedientiâ satisfaciet, ne minimum omittendo aut faciendo, quod Ordinario ullo modo, sive quoad respectum, sive quoad aliud præjudicare jure videri posset; sed potius in omnibus ab eodem ita dependebit, eaque vigilantia officio suo satisfacere studebit, ut debitus respectus, Iura, & simul etiam perfectior obedientia, illeque exopta-

ta-

ratus odor, bona scilicet conversatio à Clero ad obsequium ejusdem Ordinarij fideliter deferantur .

C X L.

Quod si non sit simul Vicarius Generalis Ordinarij sui, tunc ad Oeconomicam directionem, & Instituti hujus disciplinam tantummodò invigilabit, publica ne in minimo attingendo; aliàs si Vicarius Generalis simul sit, debitam distinctionem, utriusque fori, tam fraternæ correctionis, & Oeconomicæ directionis, quam publici officij observabit, tam in ordinationibus faciendis, quam in relationibus, & visitationibus utrumque seorsim notando, & referendo.

C X L I.

Præsidis Diocesani officium erit totius sui districtus Clericos eâ vigilantia paternè ita dirigere, ut pie in hoc sæculo conversantes, omnibus visceribus in salutem Populi diffundantur, quibus ipse in omnibus

præluere enixè studebit, ita ut inter
 suos in obedientia, humilitate, pa-
 tientia, sobrietate, castitate, man-
 suetudine, modestia, gravitate,
 affabilitate, amore, & contemptu
 rerum temporalium quali vivum
 omnium virtutum exemplum emi-
 neat.

C X L I I.

Vt fidelitas ejusdem, uti & Obe-
 dientia ac in officio sedulitas, tam
 erga Ordinarium, quam respectu hu-
 jus Instituti magis constet, præstabit
 juramentum juxta formulam sequen-
 tem.

*Formula Juramenti pro Preside Dia-
 cesano quo se Ordinario suo
 obligare tenetur.*

E G O N. N. pro hac Dicecesi N.
 assumptus. Præses Deo, & Tibi
 Reverendissimo Domino Ordinario
 meo, tuisque Canonicè intrantibus
 successoribus spondeo, & Iuro me
 sub.

sub Iurisdictione tua Ordinaria, se-
clusi omni exemptione in vita Cle-
ricali juxta Constitutiones Clericorū
Sæcularium in commune viventium
à Sancta Sede Apostolica approbatas
semper victurum & moriturum, in-
superque Clericos sic curæ meæ com-
missos & committendos juxta easdē
Constitutiones fideliter directurum,
& cooperaturum, ut hæc vita Cle-
ricalis ex primario suo fine animarum
curam per Ordinarias functiones
Parochiales intendens constanter
perseveret. die N. Mensis N. Anno
N. sic nie Deus adjuvet, & hæc
Sancta Dei Evangelia.

C X L I I I.

*Formula Juramenti quo idem se Instituto
obligare tenetur.*

EGO N. N. Instituti Clericorum
Sæcularium in commune viven-
tium Sacerdos per Diocesim N. con-
stitutus Præses Deo, & Tibi N. N.

supremo hujus Instituti Præsidi, cui-
que Canonicè intrantibus successoribus
spondeo, & juro me in hoc In-
stituto, salvâ Reverendissimi Domini
Ordinarii mei Jurisdictione, semper
victurum & moriturum &c. ut suprà.

C X L I V.

Iuxta prædictas Juramentorum
formulas, mutatis mutandis, alij
certorum districtuum Superiores In-
rumentum suum Reverendissimis
Dominis suis Ordinarijs, & Insti-
tuto præstabunt.

C X L V.

Vt verò dictus Præses Instituti
hujus Clericos & Sacerdotes quoad
privatam & Oeconomicam directio-
nem ad ædificationem Ecclesiæ eò
faciliùs in sancta vitæ conversatione
gubernet, in cujusvis Diœcesis Epi-
scopali Civitate quosdam viros ex
hoc Instituto secum habebit, qui æta-
te, ingenio, doctrinâ, discretionem,
dexteritate, prudentiâ, & experien-
tiâ docti excellent, & Præsidi á

con.

consiliis in rebus Instituti bene ordinandis existant; quidam verò inter eosdem Iuniores erunt, qui ingenio, doctrinâ, prudentiâ, & alijs ad idem aliquando præstandum præditi à cœteris addiscant.

C X L V I.

Ad hoc munus ex Decanalibus alijsque locis ad nutum Ordinarij assumantur viri, quorum prædictæ qualitates à Iuventute, & longâ experientiâ ex administratione officiorum, & datis Consilijs deprehensæ sufficienter Superioribus constiterint, ut ita Præses cum eisdem, & toto Clero sub Ordinario capite suo in vitæ sanctitate, & Clericali disciplina per debitam subordinationem omni tempore contineantur.

C X L V I I.

Ex prædictis Viris unus erit Oeconomus curam habens rerum temporalium hujus Instituti in tota Diœcesi, & alius Vir insignis in spiritualibus qui Præsidi Diœcesano in omni da.

data occasione specialiter ad manum
erunt.

C X L V I I I.

Porro in obtinendis Parochijs aut
alijs quibuscunque beneficijs, ad quas
vel quę præsentationes ab Ordinarijs
alijsque Ecclesiasticis, vel sæculari-
bus potestatibus tanquam patronis
suppliciter impetrare oportet, com-
munem styllum observantes, humi-
lissimisque precibus omni tempore ea
pro subjectis idoneis petere, itaque
dicta subjecta ad ejusmodi beneficia
commendare studeant, ut quoad hæc,
& omnia alia tam in obtinendis,
quàm resignandis beneficijs respectu
Reverendissimorum Dominorum
Ordinariorum, & aliorum Patro-
norum ordo debitus, & usitatus cui-
usque curiæ Episcopalis styllus accu-
rate observetur.

C X L I X.

Ad Reverendissimi Domini Or-
dinarij sui beneplacitum singulis
annis in propria persona totius sui
di-

districtus domos, in quibus Sacerdotes hujus vitæ habitant, visitabit, & ubique 2.3.4. vel plures dies prout præsens necessitas & utilitas postularit persistens singulorum locorum, dein ipsorummet Sacerdotum gravamina & necessitates tam spirituales, quam temporales paterno amore audiat, omnibusque secundum rationabilem utilitatem corporis & animæ gratificare studeat: Errantes paternè corrigat, & ad meliorem frugem per media salutaria reducere sataget, desolatos & pusillanimes consoletur, & mutationem eorum ordinet, ac per eum ad quem pertinet, expediendum curet, quorum saluti corporis, & animæ rationabiliter expedire judicaverit.

C. L.

In spiritualibus attendat, quomodo singuli in vita spirituali subsistant, an non periculum ad lapsum aliquem immineat; an & qualiter in pace inter se vivant; an cum debita charita-

te.

te à suis superioribus immediatis dirigantur, & quomodò disciplina Instituti tam in spiritualibus, quam temporalibus observetur; quæ omnia ex informatione mutua superiorum, & inferiorum, & ex particulari cum quovis colloquio scire poterit, corrigenda suavi consilio, & efficaci admonitione corrigat, & quæ notanda fuerint diligenter consignet.

C L I.

De visitatione annuâ suâ debitam relationem Reverendissimo D. suo Ordinario faciet, ut cū ejusdē consensu aut positivâ approbatione omnia in praxim dirigantur: quod si item ex visitatione habitâ referenda fuerint, quæ ad publicum forum nō spectant, eidem Reverendissimo D. Ordinario sic referantur pro necessarijs mutationibus & ordinationibus faciendis, ut nihilominus ea, quæ secreta sunt, & salvâ charitatis, & Iustitiæ lege propalari non possunt, & pro præsentibus circumstantijs ad solam

fra-

fraternam directionem spectant, in secreto permancant.

C L I I.

Ad domum Præsidis Diœcesani vel ad aliam commodiorem locum, singulis annis cum consensu Reverendissimi Domini Ordinarij Superiores Decanales, eorumque Oeconomi indicto per Præsidem Diœcesanum certo die, post habitos particulares Decanaliū districtuum Conventus congregabunt; eritque Conventus Diœcesanus, sive Congregatio in eum finem ordinata, ut videlicet omnia gravamina, necessitates, & omnia alia sive in spiritualibus, sive in temporalibus legitimè proferantur, & quæ ad majorem Dei gloriam, proximorum salutem, & imprimis ad hujus Clericalis Instituti conservationem, incrementum, & perfectionem; deinde etiam quæ mores, ritus, & debitam in his uniformitatem, omnia denique quæ ad bonum spirituale & temporale spectant, auditis

162 *Const. pro direct. Sacerd.*

consilijs singulorum, prævia maturâ consideratione, Præses Diœcesanus desuper conclusa in Domino faciat. Decanalium districtum superiores, & alij singula conclusa, postquam Reverendissimo D. Ordinario fuerint concessa & confirmata, domum revertentes omnia executioni demandent, tam in domo sua, quàm alijs in locis, quorum directio ipsis est demandata.

CLIII.

Præses Diœcesanus eligendus sit in Convëntu Diœcesano post singulos octo annos, & in casu mortis, & extraordinariæ mutationis per assistentem prioris Præsidis in Spiritualibus, ac Superiores Decanales (Et per Præsidem Archidiœcesanum pro eo casu, quo inter Diœcesim & Archidiœcesim adsit communicatio respectu domus Emeritorum, & bonorum communium) si vero Ordinarius placuerit, unum ex Instituto suum habere Vicarium Generalem, qui simul sit Præses, cuius tres

*image
not
available*

164 *Const. pro direct. Sacerd.*

mentibus Institutum, vel ex alio capite, sit in facultate superiorum! Instituti, liberè alium eidem substituere, atque eligere.

CLV.

In præmissis casibus constitutus Præses, ubi á Reverendissimo D. Ordinario acceptatus fuerit, Iuramentum ut supra præstabit; quod etiam tum fiet, cum in Diœcesim quandam de novo Institutum introducendum, & talis Præses Diœcesanus á supremo Præsidente deputatus fuerit.

CLVI.

Pro debita observantia Communitatis bonorum in singulis Diœcesibus capsula sive arca quædam pro bonis communibus illius districtus constituitur, in quam certis temporibus ex Decanalibus capsulis, quod pro eorundem districtuum necessitate & usu, moraliter iudicio superiorum non, necessarium videbitur, deponi oportet; uti etiam quod aliunde in bonum illius Diœcesis pro præsentis Instituto quo-

*image
not
available*

in ædibus Superioris Decanalıs, quã in alijs quibuscunque locis, unã cũ cuiusque districtus Decanalıs Oeconomo recipiet, observanda præscribet, & emendanda corriget.

DE PRÆSIDIS ARCHIDIÆCESANI DIRECTIONE.

CLVII.

Officium Præsidis Archidiœcesani pro totã quadam Archidiœcesi, in qua plures Diœceses uni Archiepiscopo subsunt, ordinatur. Quod si Diœcesis quẽdam valde ampla cum alijs quoad Domum Emeritorum connexionem non haberet, vel ex quocunque alio capite directio hujus Diœcesis à quodam Præside Archidiœcesano fieri non posset, eo casu totum quod à Præside Archidiœcesano præstandum foret, fieri debet per Præsidem dictæ Diœcesis.

CLIX.

Præsidi igitur Archidiœcesano in suo

Directio præsid. Archidiaec. 167

suo districtu Præsides Dicecesani, & alij Clerici hujus Instituti quoad Oeconomicam directionem statuta disciplinæ, & observantiam Constitutionum subjecti erunt, tam quoad spiritualia, quàm temporalia in omni humilitate & reverentia promptaque obediendi voluntate, ejusque jussa libenti animo exequentur. Ipse verò Præsides suis in omni virtutū genere præluceat, omniaque in pondere prudentiæ, in mensura Consilij, & modo dexteritatis ac discretionis aggrediatur; ut eâ ratione omnes ad sui amorem trahere, & sine ullo superioris, ac publicæ potestatis præjudicio & offensione hoc Institutum optimè in Domino gubernare valeat.

CLX.

Prædictus Præsides debitâ obedientiâ, timore ac reverentia, Reverendissimis DD. Ordinarijs humillimè subiacebit, negotia externa, Ecclesias, & quæ in alijs quibuscunque Iuris

risdictioni Ordinariæ subijciuntur, ne quidem in minimo attingere præsumat: atque ut de subjectione ejusdem omni tempore sufficienter constet, Reverendiss. Domino Archiepiscopo suo per Juramentum se obligabit eâ formulâ quæ habetur supra nu. 142. de Præsidente Diocesano, solis personalibus mutatis, quod idem, etiam intelligitur de Juramento quo se huic Clericali Instituto obligare tenetur, juxta formulam num. 143.

CLXI.

Ad eundem spectabit susceptio tam Iuventutis in Seminarijs huic Instituto proprijs, vel saltem notitia personarum suscipiendarum in Seminarijs Episcopalibus directioni hujus Instituti commissis, priusquam tales Juvenes Reverendissimis DD. Ordinarijs pro actuali susceptione commendentur; suscipiet quoque qui jam Sacerdotes, aut finitis studijs ad hoc Clericale Institutum suscipi voluerint; & universim totius sui districtus directio

Directio præsid. Archidiacon. 169
rectio in spiritualibus quoad disciplinam hujus Instituti à dicto superiore fiet, ad quem propterea graviora referenda erunt.

CLXII.

Eidem Præsidi à consilijs in eadē domo cum ipso, & in vicinia habitantes erunt quidam Viri prudentes & docti, quorum opera, consilio, & maturā circumspectione in officio suo adjuvetur; prædicti Viri ad beneplacitum Reverendiss. Domini Archiepiscopi eidē simul à cōsilijs esse, & simul pro ratione circumstantiarū alia beneficia curata vel non curata in eodem loco consequi vel habere poterunt. De habitatione ejusdem Præsidis in Domo Emeritorum habetur parte 3. num. 17. & 18.

CLXIII.

Officium hujus Præsidis erit potiore tempore cum suo Oeconomo districtum suum visitare, & ubiquē ea quæ præsens Institutum concernunt, sive spiritualia sive temporalia nego-

H

tia

tia sint, paternè ex omni parte instituire, ita ut ex hac ipsius visitatione superiores & inferiores ejusdem directioni subiecti dirigantur. Ad eundem spectabit per Oeconomum suum ordinare quomodò per media communitalis in singulis necessitatibus succurri possit, ac debeat; & universim commune bonum huius Instituti in fines suos secundum Deum diriget, cum Præsidi Diocesano conferret, dando principia in praxi observanda, ordinando qualiter Sacerdotes recenter ordinati, vel alij qui beneficium stabile necdum obtinent, applicari debeant, ut ipse Præses Diocesanus postea eisdem Reverendissimo Domino Ordinario commenderet, & promotionem in singulis casibus humillimis precibus impetret.

CLXIV.

In visitatione sua idem Præses perpetuò hoc observabit, ut ante omnia ingrediens Diocesim illius districtus Archiepiscopalis, Reverendissimum

Directio præsid. Archidiaec. 171

num D. Ordinariū illius loci adeat, & cum omnimoda submissione facultatem ac benedictionem Clericos huius Instituti in eadem Diœcesi habitantes in ijs, quæ ad Oeconomicam huius Instituti directionem spectant, visitandi humillimis precibus petat, ejusque imperio in omnibus obediat, & tunc demum visitationem suam in Domino salubriter perficiat, eâque finitâ debitam relationem desuper Reverendissimo Domino Ordinario faciat. Quod idem respectu Reverendissimi Domini Archiepiscopi sui observabit, humillimè veram & sinceram relationem de omnium huius Instituti Clericorum vitâ faciendo, ac mandatis superioris potestatis in omnibus obtemperando.

CLXV.

Domus superiorum sui districtus diligenter visitabit, atque ex mutuâ relatione prudenter explorabit in quo statu singula loca Instituti versentur, in visitatione sua Oeconomos

pro rei exigentia mutabit, aut prout visum fuerit cōfirmabit; Præsidi quoque supremo hujus Instituti sinceram de statu in quo Clerici hujus Instituti in suo districtu pro tempore fuerint, relationē in scripto, vel si fieri possit in persona propria faciet, simulque etiam generalem notitiam eidem de statu temporalium rerum hujus Instituti exhibebit, cui etiam sine ullo Iurisdictionis publicæ præjudicio in omnibus obediet, & in rebus majoris momenti ad illius consilia, & voluntatem recurreret, in quacunque parte mundi existat.

CLXIV.

Præterea specialem curam domuum Iuventutis instituenda, & Emeritorum gerens, singulis annis bis visitabit, diligenterque earum constitutionem domesticam tam in spiritualibus, quàm temporalibus inspiciens, cuncta semper ad Instituto conformem statum reducere, & conservare studebit. Dictis domibus superio-
res

Directio præsid. Archidiaec. 173

res magistrosquæ alios tam studiorû,
quàm virtutum præficiet, & suo tem-
pore pro utilitate, & necessitate mu-
tabit; in Seminarijs verò Ordinario-
rum, & aliorum Patronorum prædi-
ctos superiores Reverendissimis DD.
Ordinarijs commendabit, & nomi-
nabit, ut ab ipsis acceptentur.

CLXVII.

Mediorum præterea temporalium
dictarum domorum dispensatio, ac
cura penes ipsum stabit; quæ omnia
& singula mediante Oeconomo sibi
adjuncto, ad illarum emolumenta,
impendantur, porro singula semina-
ria, quæ à Sacerdotibus hujus Insti-
tuti diriguntur, particulares capfas
habeant, super quorum bonis specia-
lia quoquæ fiant ratiocinia : Idem
observandum circa domus Emerito-
rum. Porro tam Seminariorum,
quàm domorum Emeritorum ratio-
cinia statutis temporibus à superio-
ribus diligenter revideantur, si qui
defectus inveniantur, corrigantur.

CLXVIII.

Cum præscitu, & consensu superioris potestatis singulis triennijs Conventus pro districtu Archidiœcesano in Civitate Archiepiscopali, vel in domo Emeritorum instituetur, ad quem omnes Præsides Diœcesani in quâdam Archidiœcesi correspondentes cum consensu Reverendissimorum DD. Ordinariorû suorum comparebunt unâ cum œconomis suis, cui Præsides illius districtus Archidiœcesani præerit, ibiquè primò omnia quæ ex relatione Conventuum præcedētium Diœcesanorum, & decanalium, aut ex alio capite prolata, disciplinam, & bonum hujus Instituti concernunt, auditis prius consilijs ac considerationibus singulorum, à dicto superiore facienda, vel omittenda decernantur.

CLXIX.

In his Conventibus non attingentur, quæ Jurisdictionem cujuscunque Ordinarij concernunt; omnia denique

quæ quæ in Conventibus ordinata, fuerint, prothocollo diligenter & ordinatè inserantur, ut Posteris, & Reverendissimis DD. Ordinarijs semper de omnibus ratio reddi valeat; fiet id per certas personas quæ tam hæc, quàm alia posteris pro notitia necessaria annotabunt. Post Conventum autem Archidiœcesanum celebratum Præses Reverendissimo D. Ordinario suo desuper debitam relationem faciet.

CLX X.

Post. novem annos in Conventu illius districtus officium suum ad manus Præsidis supremi resignando mutabitur, & duo deputati, vel ipsimet Visitatores Præsidis supremi constituentur, qui vota Præsidentum, Diœcesanorum, & aliorum suscipientes Præsidi supremo transcribent, à quo notitia talentorum, quam ex factis sibi de singulis relationibus habere debet, ad votorum rationem simul attendendo, ex Viris sibi pro-

positis præstantiorem pro Præsidente illius Archidiocæsani districtus denominabit; qui postmodum Reverendissimo D. Archipræsuli suo per Iuramentum supradicto modo, uti & Instituto se obstringet: quod si verò dictus Præsides Archiepiscopo non placeat, tunc supremus Præsides sine nova Congregatione aliam personam eidem nominabit.

CLXXI.

In illis locis ubi plures Dioceses unius Archiepiscopatus inter se connexionem habent, ac communem utilitatem domus Emeritorum, constituenda est capsa Archidiocæsana, ad quam tam Clericorum huius Instituti non necessaria ex capsis Diocæsanis, quam media aliundè advenientia deponi debent, ut pro utilitate ac necessitate totius illius districtus Archidiocæsani expendantur, & applicentur. Clavem pro eadem habebit Præsides Archidiocæsanus, alteram ejus Oeconomus, tertiam su-

Directio præsidi. Archidiec. 177
superior particularis illius domus,
in qua capla erit.

De Oeconomo Archidiecetano.

C. L. X. X. I. I.

Officiū huius Oeconomi erit, Præsidi illius districtus in Visitatione adesse, & curam rerum temporalium huius Instituti ubi vis suscipere, in omni loco necessitates, & omnia alia incōmoda, quæ vel personæ particulares, aut integræ familiæ patiuntur charitative audire, & in Domino juxta directionem sui Præsidis remedium adhibere, ac præfertim ratiocinia generalia super bonis communibus Instituti per illum districtum cōficere. Huius Oeconomi ordinationibus omnes alij Oeconomi inferiores acquiescent, ita ut quidquid rationabiliter ordinaverit, observent. Ad hoc munus Viri in omni genere præstantes requiruntur, qui & ipsi obediētes sint, & in re-

bus alicujus momenti aliorum prudenti consilio utantur, atque ubi rei gravitas requirere videbitur, ab ipso met. Præside Archidiœcesano ordinationem petant, e cujus directione perfectissimè in officio suo dependent.

DE PRÆSIDIS SUPREMI DIRECTIONE.

CLXXIII.
Hujus Instituti caput sub nomine Præsidis supremi vel Generalis constanter unum erit, hic Præses totum Institutum tam in spiritalibus, quàm temporalibus in quamcunque mundi partem diffusum fuerit, aut diffundetur, secundùm Deum sine ullo Reverendissimorum, Digniorum Ordinariorum præjudicio, directione solummodò privatâ & Oeconomica secundùm Constitutiones hujus Instituti à S. Sede Apostolica approbatas gubernabit.

Quid.

C L X X I V.

Quidquid ergo bonum, vel conservationem præsentis Instituti concernens tanti momenti fuerit, ut id superiores eidem subordinati juxta ea, quæ in præcedentibus traduntur, neque per se, neque per Congregationū seu Conventuum consultationes ob causæ gravitatem decidere prudenter non potuerint, illud à Præside supremo decernetur; & hâc ratione omnes hujus Instituti superiores, & inferiores in suo ordine supremo Præsidi prædicto modo obediunt.

C L X X V.

Ipse Præses Supremus Summo Pontifici, & Sanctæ Sedi Apostolicæ in omnibus quæ præsens Institutum attinent, specialiter obediet, ea prorsus ratione quâ Præsides particulares Reverendissimis suis DD. Ordinarijs obedire tenentur. Idem Præses suo & Instituti nomine per Iuramentum Summo Pontifici & S. Sedi Apostolicæ post sui electionem se

180 *Const. pro direct. Sacerd.*

obligabit, prout etiam fidelitatem suam erga hoc Institutum per speciale Iuramentum prout sequitur promitter.

CLXXVI.

Formula Iuramenti pro Præsidente

Supremo.

EGO N. N. Instituti Clericorum Sæcularium in Commune viventium Sacerdos & ab ejusdem Instituti Præsilibus Canonice electus Præsides Generalis tibi Sanctissimo Domino Nostro N. N. Tuisque canonicè intrantibus Successoribus, ac S. Sedi Apostolicæ spondeo, & Iuro me sub obedientia Sanctitatis Tux & Successorum tuorum in vita Clericali juxta Constitutiones Clericorum Sæcularium in Commune viventium ab eadem S. Sede Apostolica approbatas semper victurum & moriturum; insuperque Clericos omnes hujus Instituti sic curæ meæ commissos & cō-

mit-

Directio praesid. Supremi. 181
mittendos, sub omnimoda RR. DD.
Ordinariorum jurisdictione juxta
easdem Constitutiones fideliter di-
recturum, ac quantum in me est ad
mandatum Sanctitatis Tuae in quas-
vis mundi partes missurum, & coo-
peraturum, ut haec vita Clericalis ex
primario suo fine animarum curam,
per ordinarias functiones parochia-
les cohabitando intendens constanter
perseveret. Sub die N. Mensis N.
Anno N. sic me Deus adjuvet, &
haec Sancta Dei Evangelia.

CLXXVII.

*Formula Juramenti pro eodem Praefide
per quod se toti Instituto obli-
gare tenetur.*

EGO N. N. Instituti Clericorum
Sæcularium in commune viven-
tium Sacerdos, & ab ejusdem Institu-
ti Praesidibus canonicè electus Præ-
ses supremus, vobis nomine totius
In.

Instituti congregatis spondeo, & iuro me in vita Clericali juxta Constitutiones Clericorum Sæcularium, in commune viventium à S. Sede Apostolica approbatas semper victurum & moriturum, insuperque Clericos omnes hujus Instituti sic curæ meæ commissos, & committendos sub omnimoda Reverendissimorum Dominorum Ordinariorum auctoritate & jurisdictione juxta easdem Constitutiones fideliter directurum & cooperaturum &c. ut supra.

CLXXVIII.

Ad Præsidentem supremum spectabit vitam Præsidentum in diversis Archidiecesibus, & Diecesibus præsertim quoad directionem à Præsidente Archidiecesano non dependentibus, per suos visitatores generales, aut per alium delegatum inspicere, & ex urgentibus causis, etiam extra tempus ordinarium, eosdem Superiores cum consensu Reverendissimorum Dominorum Ordinariorum modo supra-

dicto.

dicto mutare; de incorrigibilibus respectu rerum Instituti eidem Præsidi relatio maturè fiet, ut si ita necesse visum fuerit, tales de mandato, & consensu Reverendissimorum Dominorum Ordinariorum (servatâ Sacrorum Canonum & Sac. Trident. Concilij dispositione, & attentâ Clericorum hujus Instituti ex pacto mutuo proveniente erga Superiores ejusdem Instituti in similibus casibus obligatione) à beneficijs amoti in domo Emeritorum seorsim vivant, juxta ea quæ habentur parte tertiâ de Directione Domuum Emeritorum.

C L X X I X.

Quod si in aliqua Diœcesi vel Regione de novo introductio hujus Instituti à Reverendissimo Domino Ordinario desideretur, Præses supremus ordinationem desuper faciet, & personas qualificatas determinabit, quæ illuc mittantur, atque ubique locorum cum consensu Reverendissimorum Dominorum Ordinariorum.

rum præsens Institutum introducere allaborabit. Quoniam verò nemo sibi ipsi sufficiens, præsertim in re tanti momenti, hinc dictus Præses juxta se viros doctos & prudentes ex omnibus orbis partibus habebit, qui eidem in rebus agendis adsint.

C L X X X.

Ex his duo assistentes Præsidis erunt, alter in spiritualibus, alter in temporalibus quoad Oeconomiam directionem totius Instituti; & universim tam hi, quàm alij prædicti apud eundem Præsidentem habitabunt, ut ipse singulorum consilio & operâ in gubernatione totius Instituti rationabiliter utatur. Duos etiam Generales visitatores constituet ex iisdem sibi cohabitantibus, qui singulis circiter decenniis omnes domos, in quibus Superiores hujus Instituti cum ijs, qui ipsis à consilijs sunt, habitant, & maxime domos juventutis, ac emeritorum, eorumque Superiores visitando, diligenti circum-

cum inspectione statum singulorum, quaque uniformitate ubique vivatur, intelligant; errata Superioribus locorum corrigenda, & ad uniformitatem reducenda commendabunt; graviora verò annotabunt, domum suo tempore reversi Præsidi supremo sinceram relationem suæ visitationis tradent.

1718. C L X X X I.

38 Ad quamcunque Diocesim prædicti Visitatores pervenerint, semper Reverendissimis Dominis Ordinariis se fistent, ac humillimis precibus petant, quatenus sibi liceat in domibus prædictis notitiam de statu rerum hujus Instituti accipere; priusquam etiam ex ejusdem territorio decedant, se Reverendissimo Domino Ordinario demoustrant, & si quid notabile emendandum occurrerit, eidem humillimè indicabunt, ut si ita placuerit, ipsemet ad ea quæ hujus Instituti propria sunt, Superiores, aliòsque

què Clericos hujus Instituti urgeat,
& adstringat.

C L X X X I I.

Conventus generalis cui Præsides
cujuscunque districtus Archidioecesa-
ni unâ cum suis Oeconomis, quan-
tûm possibile fuerit, interesse debent,
uti etiam alij Præsides ab Archidioe-
cesano independentes, ac præterea ij
qui Præsidi supremo à consilijs sunt,
ordinariè singulis decem, vel etiam
postquàm res Instituti benè ordina-
tæ fuerint, post plurimum etiam 20.
annorum spatium habebitur, prout
necessitas rationabiliter sapiens, vel
rariùs instituendum postulaverit.
Sententia conclusiva, quæ in Domi-
no omnibus vel majori parti videbi-
tur, penes supremum Præsidentem stabit.

C L X X X I I.

Idem Conventus prædicto modo
fiet ad mortem supremi Præsidis, vel
si ex mandato aut consensu Summi
Pontificis, in casu gravis necessita-
tis Præsides ab Officio deponendus fo-
ret:

ret: ordinatio autem conventus in hoc casu præcipuè ad assistentem ejusdem Præsidis in spiritualibus pertinebit, donec in eodem Conventu alius Præses debite electus fuerit, & si in alma Vrbe Conventus habeatur, à Summo Pontifice confirmatus fuerit; ex quo tempore continuatio, & absolutio hujus Conventus ad ipsomet Præsidem spectabit.

C L X X X I V.

Ad sinceriores omnium causarum & necessitatum in conventibus propositionem, relationemque obtinendam, præter Superiores, ex districtibus singulis saltem duo Verbi gratià ex quovis districtu Decanali duo Pastori ad Conventum Diocesenum, ex Diœcesi duo Decanalium districtuum Superiores ad Conventum alicujus districtus Archidiœcesani; ex districtu Archidiœcesano duo Præsides Diœcesani ad Conventum generalem destinabuntur; qui prudentiâ & pietate præstantes non solum actorum

rum, Verùm etiam statùs, in quo singula loca subsistant, aut deficiant, uti & conversationis ipsorum Superiorum testes, & arbitri erunt.

C L X X X V.

Cum bona Communitatis juxtà superiùs dicta num. 22. ex uná in aliam Diœcesim per se transferri non possint, ideo nulla capsâ totius hujus Instituti communis constitui poterit. Vnde Præses Generalis non nisi particularem capsam suæ familiæ in domo sua habebit. Casu tamen quo per Patroni alicujus dispositionem toti Instituto aliquid concederetur, sinè ordine ad certam Diœcesim, vel Archidiœcesim, supremi Præsidis erit cum suo Oeconomo curam hujus habere, & operam dare ut pro Emeritorum domo, Seminario Instituti proprio, pro Missionibus ad loca hæreticorum seu infidelium destinâdis, pro alijs communibus Instituti necessitatibus sublevandis, vel aliter ad satisfaciendum Benefactoris aut Patroni

Directio presid. Supremi. 189
ni intentioni, & voluntati utili ter
applicetur.

De Oeconoſmo ſupremi Præſidis.

C L X X X V I.

AD Oeconomum ſupremi Præſidis, qui rerum temporalium hujus Inſtituti generalem & ultimam diſpoſitionem habet, omnes Cauſæ graviores, circa prædictarum rerum Ordinationes occurrentes, quæ ipſius ſupremi Præſidis judicio ac deciſione diſcutiendæ, ac determinandæ vidētur, ex omnibus locis ſivè particularibus Diœceſibus deferentur, cujus ultimæ diſpoſitioni, quæ à ſupremo Præſide ſemper derivabitur, omnes per obedientiam acquieſcent; Generalem quoque calculum & notitiã rerum temporalium totius Inſtituti habebit.

C L X X X V I.

Finaliter hujus Inſtituti directiva

Su-

Superioritas ab infimo ejusdem gradu usque ad supremum Præsidentem illi Majestativæ Superioritati, quæ in foro Ecclesiastico est, non solum non præjudicat, sed potius subservit, ac famulatur, eidemque subordinata, semper obedit; dum ex unâ parte totum hoc Clericale Institutum cum omnibus suis membris se primò Summo Pontifici Romano, dein secundò Reverendissimis Dominis Ordinarijs eadem quâ prius, imò etiam majore subjectione per obediëntiam & inviolatum erga Jurisdictionem Ordinariorum respectum in foro Ecclesiastico penitus submittit; ex altera parte, tertio per paternam & Oeconomicam hujus Instituti directionem Clerus sæcularis suavi, & charitativâ viâ (cum Constitutiones per se juxta Sacerdotum Constitutionem 46. sub peccato non obligent) à corruptela vitiorum & perniciosis defectibus Clericorum præsertim Curæ animarum præpositorum magnam partem libe-

be-

berari & in libertatem sanctæ conversationis in hoc sæculo, cooperante divinâ gratia, redigi poterit; & sic quartò Reverendissimis Dominis Ordinarijs tam à Superioribus, quàm inferioribus totius hujus Instituti membris debita obedientia, reverentia, & subiectio perfectè præstabitur.



PARS TERTIA

CONSTITUTIONES

PRO DIRECTIONE SAC-
CERDOTVM ALIORVM-
QVE CLERICORVM SENVM, ET
ALIAS AD OFFICIA ET BENEFICIA
ECCLESIASTICA EX QVOCVNQVE
DEFECTV INHABILIVM IN DO-
MIBVS EMERITORVM.

PRÆNOTATIO.

*De fine , utilitate , & necessitate
Domuum Emeritorum.*

FInis quem Clericale hoc Insti-
tutum in erectione ejusmodi do-
muum Emeritorum intendit, earum-
què multiplex utilitas, quæ ad diver-
sos exinde redundat, uti & necessitas
in eo est. Prodest namquè imprimis
Reverendissimis Dominis Ordinarijs

ut

ut Clericos suos in praxi eorum, quæ ad curam animarum spectant informandos curare, & facilius in Clericali vita & honestate continere, senes quoque & alios ad curam animarum inhabiles (servatâ Sac. Canonum & Sac. Trident. Concilij dispositione, & attentâ ex pacto mutuo inter Clericos hujus Instituti proveniente obligatione) maturè ab eadem remove possint, ne dum nescitur ubi, aut undè necessaria illorum sustentatio procuranda sit, diu non sine magno suo incommodo, majorequè subditorum periculo in ea relinquantur, postquam per senium vel alium defectum eidem amplius convenienter præesse non possunt. Prodest deinde iisdem Reverendissimis Dominis Ordinarijs, vel alijs qui prædictis Clericis cum ad Sacros Ordines promoventur, titulum mensæ tribuerunt, dum occurrente casu, quo illo aliàs uti deberent, communibus Instituti bonis sustententur, ipsique

I . sique

194 Const. pro direct. Senum.

sique hoc onere eisdem sustentandi subleventur . Prodest insuper tam Clericis huic Instituto addictis, quàm fidelibus maximè quorum curæ præfecti sunt, Clericis quidem dum illis in senio, uti & in casu quo in grave peccatum, vel scandalum ex humana fragilitate lapsi forent, commodissima ipsis in se redeundi, pœnitentiam agendi, commissa peccata expiandi, & vitam seriò emendandi occasio præbetur, ne diu cum suo dedecore, totius Cleri opprobrio & magno tum Catholicorum, tum acatholicorum scandalo in publico circumvagari permittantur. Fidelibus verò, dum maturè à scandalis Clericorum liberantur, & loco tædiosorum senum, vel aliàs inhabiliũ Sacerdotum idoneos animarum curatores nanciscuntur. Prodest denique universali Christi Domini Nostri Ecclesiæ, ad cuius propagationē ex ejusmodi domibus, ubi super numerarij nonnulli sustentari possunt.

Sacerdotes aspirante Divinâ gratiâ ad missiones in terras hæreticorum, & infidelium non secus ac ex Religiosorum cœtibus viri probi, docti, ac zelosi educi poterūt, quas eò promptius suscipient, quo certiùs norunt quod in senectute, vel aliâ superveniente inhabilitate post exantlatos in hujusmodi missionibus labores rursus ad ejusmodi domum recursum habere possint. Nec adeò magna erit in erigendis, & instruendis, fundandisque ejusmodi domibus difficultas, cum in quavis Archidiecepsi, vel saltem ampliore Diœcesi, non nisi una talis Domus sit necessaria, ad quam erigendam, & necessarijs rebus instruendam, omnes huic Instituto addicti Clerici pro facultatum suarum modo concurrent; itaque bona Ecclesiastica, congruæ sustentationi suæ superflua, quæ aliàs in pios usus expendere deberent, in hunc determinatum, pium, valdèque clericali vitæ convenientem usum,

præ cœteris expendent, ac relinquent, idque in ea Provincia ubi fuerunt acquisita. Sperari quoque potest, fore ut Deus aliorum quoque patronorum animos subinde excitet ad hanc piam, totique Ecclesiæ Dei utilem intentionem in opus redigendum.

Quanam personæ & ob quem finem recipiendi sint ad Emeritorum domos?

I.

VT post exantlatos vitæ activæ labores Sacerdotes senio confecti sine molestia seorsim vitā quietam vivere, & cursum suum, in sanctitate foeliciter consummare valeāt, in quavis Archidiœcesi, veletiam ampliore quadam Diœcesi domus aliqua omnibus tam corporalibus, quā spiritualibus vitæ subsidijs probè instructa erigatur, & fundetur.

I I.

Ad hanc domum primò recipiantur

tur Emeriti, sive senes Sacerdotes, qui in illa Archidiœcesi, vel Diœcesi post multas vitæ activæ impêsas operas reliquum vitæ tempus in majore tranquillitate, & vitæ contemplativæ exercitationibus transigere constanter desideraverint.

I I I.

Secundò Si quos corpore vel animo ad obeunda munia Ecclesiastica ob Canonicum aliquod impedimentum ex quocunque casu contractum inhabiles reddi contigerit, recipiantur pariter in domum Emeritorum, ubi ipsis in charitate omnia vitæ necessaria usque ad vitæ finem subministrantur.

I V.

Tertiò Siquis Sacerdotum vilescitibus sibi omnibus quæ in mundo sunt vehementiore Spiritus Sancti impulsu ad vitæ contemplativæ exercitationes quodammodò rapi videatur, Superiores probato illius Spiritu cum consensu Reverendissi-

198 *Const. pro direct. Senum*
mi Domini Ordinarij permittere illi
poterunt , ut in Domo Emerito-
rum liberè ejusmodi exercitijs vitæ
cōtemplativæ totum se dedere possit.

V.

Quartò Qui foris educati, & adul-
ti hoc Clericale Institutum amplecti
voluerint , in eandem domum reci-
pientur, donec eorum vocatione suf-
ficienter exploratâ juramentum qua-
tuor punctorum substantialium ad
manus Superiorum faciant .

V I.

Quintò Supernumerarij Sacerdo-
tes , recenterque ordinati, & exules
in hac domo eò usque commorētur,
donec pro ijs vacans aliquod bene-
ficio, vel alia occasio eos ad Curā
animarum applicandi emerferit .

V I I.

In hac Domo delinquentes pœni-
tentiam statutam à Superioribus vel
(si delictum sit publicum , aut aliàs
ejus qualitas postulare videatur) ab
ipsismet Reverēdissimis Dominis lo-

co-

corum Ordinarijs dictatam juxta eorundem ordinationem agant, donec eorum vulnera spiritualia sanentur: seorsim etiam in eadem Domo Sacerdotes incorrigibiles in Custodia perpetua asserventur, donec in pœnitentia vitam suam finiant, vel sinceram ac constantem emendationem per talia signa præseferant, ut sine propinquo relapsus periculo prudēte Superiorum judicio inde dimitti posse videantur.

De ordinatione, & dispositione domuum Emeritorum.

V I I I.

ANte omnia circumspicient Superiores hujus Instituti, ut dicte domus Emeritorum in loco tuto, sano, & ab hominibus remoto erigantur; Medicus etiam ibidem resideat, aut saltem in vicinia ad manum commodè haberi possit. Ad formam domorum instituendæ ju-

ventutis in tres contignationes diſtinguantur, in quarum prima deſectuoſi, in ſecunda animo corporeque valētes, & denique in tertia pœnitentes & incorrigibiles ſeorſim accommodentur.

I X.

In Inſtructione conclavium pro habitatione ſingulis deputandorum duo extrema diligenter vitanda ſunt. Prius eſt ne quid neceſſarium in illis deſit, poſterius ne quid in iſdem ſit ſuperfluum. Quæ neceſſaria ſunt, munda ſint, & pulchro ordine ſuis quæque locis diſpoſita, idque quoad fieri poteſt uniformiter; videlicet menſa, aliquot ſedilia, pluteus, atramentarium, & reliqua ad ſcribendū requiſita, ſcabellū ad meditandum, & alias devotiones flexis genibus exercendas, in cujus medio ſit imago Chriſti Crucifixi, cum alia quadam Beatiffimæ Virginis imagine, vaſculum pro frigida, mantile, & vaſculum pro aqua luſtrali.

Por-

X.

Porro in unoquoque loco Oratorium domesticum constitui debet, in quo consuetę preces ordinatę persolvantur, in hoc Oratorio Altare aliquod Beatę Virginis Marię cum Imagine Crucifixi, & alijs ornamentis fiat, quibus mens ad majorę devotionem per Dei gratiam excitari valeat. Subsellia quoque fiant, quibus humana fragilitas inflectędo aut sedendo sufficienter sublevetur.

X I.

Refectōrium mūndum sit, & exornetur pijs imaginibus inter quas precipua ultima Cœna Domini existat; sit ibidem Cathedra pro lectiōe ad mensam; cubicula infirmorum à cōmuni dormitorio separata juxta Oratorium domesticum constituantur, ex quibus infirmi Sacrum, & Confratrum suorum consuetas preces audire possint, in quem finem parietes per ferreos Cancellos prospectum aperiant.

X I I.

Dormitoria denique ob multas rationabiles causas , & commoditates ubique locorum , quantum fieri potest , à conclavibus singulorum in quibus de die habitant, separata erūt. In quavis ejusmodi domo sit horologium domesticum cum turricula , & Campana supra domum pro signis ad exercitia spiritualia dandis.

*De fundatione domuum Emeritorum,
deque cura bonorum temporalium
ad easdem pertinentium .*

X I I I.

Fundatio pro Domo Emeritorum in quavis Archidiœcesi vel ampliore diœcesi haberi poterit ex Collocatione bonorum juxta Constitutionem 19. Sacerdotum , uti & operisque legatis patronorum . Regulariter observari poterit , ut media pars prædictorum bonorum applicetur ad domos Emeritorum , & altera

ra media pars, ad domos juventutis, ita tamen ut alijs necessarijs expensis faciendis pariter satisfiat.

X I V.

Cura bonorum temporalium in prædictis domibus ad Oeconomos spectabit, quorum unus in quavis Archidiœcesi, uti etiam Diœcesi penes Præsidentem residebit; Idem Oeconomi in fundatione ejusmodi domorum providè attendant, ut bona temporalia debitâ humanâ securitate conserventur, & ad usus necessarios expendantur.

X V.

Quoad legata, aliaque à Patronis oblata eorundem mens observanda erit; Vnde ea quæ præcisè ad domos Emeritorum dantur, ad easdem & non aliter applicentur quæ verò ad domos juventutis sub eadem conditione assignantur, pro iisdem applicentur; Quæ verò indifferenter ad bonum Cleri huic Instituto assignantur, juxta prudentem

204 *Const. pro direct. Senum*
Superiorum dispositionem applican-
da erunt .

X V I.

Tam in fundatione domorum in-
stituendæ juventutis ex medijs Com-
munitatis , quàm Emeritorum ex-
pressè dominium & omnis dispositio
huic Instituto illiusque Superioribus
reservetur , ut quandoquidem in be-
neficijs continuam successionem
(nisi fortè ex speciali gratia Patro-
norum) non habeant , saltem in præ-
dictis domibus Institutum stabiliter
subsistere possit : ut proinde meri-
tò Instituti hujus Clerici , & Sacer-
dotes in dispositione circa bona sua
temporalia præcipuam harum do-
morum debitè fundandarum ratio-
nem habere debeant . Factâ autem
semel sufficiente prædictarum do-
morum in aliqua Archidiœcesi , vel
Diœcesi fundatione , ea quæ super-
esse contigerit , in alios pios usus , &
tam Clericali huic Instituto , quàm
ipsimet Archidiœcesi , vel Diœcesi in
qua

Superiores domus Emer. 20 5
qua versantur , proficuos usus ex-
pendantur , ut & Cura animarum ,
melius geratur , & ea quæ Institu-
tum hoc præscribit , commodius in-
praxim redigantur , prout in Domi-
no visum fuerit .

*Quinam Superiores in Domibus Emec-
ritorum esse debeant , & quodnam
eorum sit officium.*

X V I I.

IN Domo Emeritorum non solum
Præses Archidiœcesanus (aut si
in Diœcesi quâdam ejusmodi domus
sit, Præses Diœcesanus) extra visita-
tionem tanquam in proprio suo do-
micilio habitabit , verum etiam plu-
res viros prudentes ibidem secum
habeat , quorum Consilio in dire-
ctione sua, & in faciendis dispositio-
nibus suis , saltem quæ majoris mo-
menti esse videbuntur , semper uta-
tur .

X V I I.

Ad eundem Præsidentem spectabit circa personas senum, infirmorum, inhabilium, & eorum qui graviter deliquerunt, providè in Domino disponere. Quod si Præsides Archidiecephanus, vel Diecephanus in officio Reverendissimi Archiepiscopi, vel Reverendissimi Domini Episcopi sit, in ejusdem Civitate principali, vel ubi ejusmodi officium requisiverit, cum aliquot viris prudentibus residet, & quidem in Domo Emeritorum, siquæ in eo loco sit, si verò ejusmodi Domus ibi non sit, extrâ illam tali loco, quoad fieri poterit, habitabit, ut prudentes quosdam Viros Seniores, qui hujus Instituti Constitutiones & scopum callent, secum habere, & per litteras consulere possit.

X I X.

Superiores qui immediatam directionem domuum Emeritorum habent, erunt Primò in quavis Do-
mo

mo Superior sub titulo Regentis sive Directoris, qui non solum ætate, verum magis prudentiâ, discretionem, patientiâ, humilitate, gravitate, & sollicitudine charitatis IESV CHRISTI maximè inter omnes eminere, conspiciatur, qui legem amoris fraterni regalem exactè implere, & omnia omnibus fieri noverit.

X X.

Secundò ex Senioribus Domus unus Pater Spiritualis constituatur, qui recenter ordinatos Sacerdotes exerceat, & curam eorum Sacerdotum gerat, qui à Præsidente suscepti sunt; ut in rebus Instituti ibidem informantur. Præterea ex Senioribus præficiatur pro pœnitentibus, qui verbo & exemplo potens pœnitentes, & incorrigibiles Sacerdotes pro tempore ibidem manentes omnibus modis ad meliorem frugem, & in viam salutis æternæ reducere ex professo studeat.

X X I.

Denique ex iisdem senibus quidā ad hoc idoneus pro excipiendis Confessionibus deputetur, qui ordinariē omnium, qui in tali domo sunt, Confessarius existat. Directori domūs adjungatur persona qualificata, quæ Oeconomiam administret, ratiocinium super annuos redditus faciat, omniaque necessaria ad Culinam, Cellam, & pro universa Domo secundum voluntatem directoris sollicitā fidelitate dispense.

X X I I.

Singularem Superiores in hisce domibus infirmorum curam gerant & ut idem a domesticis fiat, sedulò curabunt; In hunc finem informantur qualiter infirmis in charitate, mansuetudine & patientiā inserviant, & ministerium Marthæ impleant. Nemo verbo, facto, aut vultu torvo illis, ut á manu Dei tactis, & afflictis alteram addat afflictionem. Defectuo-

Stuosis & infirmis cibis ac potus singulis dispensetur, prout consilio medici bonum, & salutare omnibus visum fuerit: qui animo & corpore valentes ad refectorium accedere poterunt, uná communi mensá fruantur. Defectuosis necessaria ad uniuscuiusque cubiculum proprium porrigantur.

X X I I I.

Tam ministerium culinæ, quàm reliquæ domus idoneis famulis (si fieri possit ijs, qui ad dies vitæ in cœlibatu cum hisce Clericis vivere desiderant) committatur; talis verò ordinatio domesticorum, tam pro culina, quàm pro ministerio domus, & defectuosorum famulatio fieri debet, qualem prudens Superiorum iudicium necessariam judicabit.

*De Conversatione Sacerdotum, &
eorum qui habitant in domo
Emeritorum.*

X X I V.

Sacerdotes Emeriti ad solidam
omnium virtutum perfectionem
pro viribus conentur, utpote qui tem-
poralibus curis aliisque negotijs li-
berati maiorem facultatem habent,
ad omnimodam vitæ integritatem
incumbendi. Quamobrem viam ve-
ræ perfectionis ac Christianarum vir-
tutum, quæ hominem nostrum tam
interiorem, quàm exteriorem perfici-
unt, studiosè omnes & singuli te-
neant.

X X V.

Præcipué verò se perficiant in stu-
dio trium virtutum theologicarum,
in Christiana pietate erga Christum,
Deiparam, & omnes Sanctos, in ar-
dore animi ad Divina, in puritate
intentionis, in studio solidarum vir-
tutum.

tutum, in Christiana humilitate, & simplicitate, in prudentia, in scientia practica, & discretivâ boni, & mali in agendo, in spiritu cœlestium consolationum, & oppositarum desolationum, ac tentationum, in principiis & regulis discretionis, quibus informamur contra nequitias concupiscentiæ carnis.

XXVI.

Eum exercitiorum spiritualium cursum, qui in stationibus omnibus huic vitæ Clericali addictis præscriptus est, omnes & singuli, quantum per vires licet, diligenter observent, ut scilicet manè statuta hora surgant, preces matutinas cum examine conscientiæ simul, persolvant, iisque finitis, saltem per mediam horam sacre meditationi vacent.

XXVII.

Tempus reliquum post meditationem usque ad quadrantem ante prandium recitationi horarum Canonicarum, celebrationi missæ, re-

rum,

rum cœlestium contemplationi, Sacra Scripturæ, & spiritualium librorum lectioni, alijsque piæ occupationi secundum cujusque talentum, & superiorum directionem singuli utiliter impendant.

XXVIII.

Vno quadrante ante prandium, litanias omnium Sanctorum cum alijs consuetis juxta stationes persolvant; tempore prandij, uti & cœnæ lectio sacra habeatur; post refectio- nem per duas horas circiter tempus indifferens relinquitur; postea pro varietate personarum rursus seriæ, utilesque magis occupationes juxta eorundem superiorum ordinationem resumentur; Horâ tertiâ post meridiem recitentur Vesperæ cum Completorio; unâ horâ ante cœnam, vel paulò prius recitetur Matutinum cum laudibus pro die sequenti; ultimo deinde quadrante ante cœnam fiat præparatio pro meditatione sequentis diei; unâ horâ post cœnam re-
cita-

citabunt Rosarium, cui subjungent examen conscientiae eo modo quo in stationibus praescribitur.

XXIX.

Circa infirmos observetur, quod de charitate & discretionem iisdem exhibenda supra ordinatum est: Cui hic addendum, quod sicut tria sunt genera infirmorum, ita tribus quoque modis sublevari debeant; sunt enim infirmi primò qui debilem complexionem aut ab ipsa natura, aut ex accidente alio habentes charitativam curam, & indulgentiam discretionis indigent; sunt secundò alij infirmi qui multis passionibus laborantes à superioribus, & alijs prudenter supportari debent; Tertiò sunt qui verè morbo aliquo decumbentes curam corporali charitativam opus habent. His omnibus charitativam compassionem, & rationabili obsequio, secundum cuiusque praesentem necessitatem succurrendum esse charitas Christi requirit.

quirit. Insuper omnis humanitas possibilis hujusmodi infirmis & debilibus exhibenda est, ut qui flagellati sunt à Domino (quia corpore infirmi sunt) à nobis in charitate Christi sublevantur.

XXX.

Si qui superiorum iudicio habiles fuerint, applicentur ad Sacrae Scripturae interpretationem, ut sapidiorem genuini sensus nucleum inde eruentes & breviter annotantes concionatoribus quasi officinam efficaciorum materialium ad convertendos peccatores, & hæreticos ad manum porrigant. Inferioris intelligentiæ Sacerdotes in conficiendis munusculis catechistarum, aliisque similibus pro cuiusque capacitate honestè occupentur.

XXXI.

Et si Sacerdotes in ejusmodi domo commorantes curam animarum obsequium, vel alias causas ordinariè non

non sint habituri, pro necessitate tamen locorum ad audiendas confessiones (In Ecclesiâ propriâ, vel in subsidium Parochorum in vicinia habitantium pro exigentia temporum) exponantur ij, quos ab Ordinarijs approbatos superiores habiliores judicaverint. Similiter occupabuntur in sermonibus familiaribus ad populum, in instituendis pijs Oratorijs per septimanam aliquoties, in informandis Sacerdotibus & Clericis circa ritus, & cœremonias Ecclesiasticas, unâ cum exercitijs spiritualibus, in missionibus ad pagos, & oppida, ubi juxta circumstantias locorum id requiritur ad nutum Reverendissimorum Ordinariorum, & in alijs similibus pijs exercitationibus. Circa alia observabunt Constitutiones, quæ pro Clericis in communi præscriptæ sunt.

*De Sacerdotibus alijsque post studia sua
absoluta ad hoc Institutum suscipi
desiderantibus in domo Em-
ritorum ad tempus be-
ne erudiendis.*

XXXII.

IN eadem Domo Emeritorum ad tempus aliquot erunt Sacerdotes illi, qui Instituto huic associari desiderant, donec scilicet in principijs Spiritualibus, & alijs in hac Clericali vitá observandis sufficienter instructi fuerint, norintque modum meditandi, per examen conscientiae sese recollegendi, & alia ad profectum in spiritu necessaria.

XXXIII.

Per ordinem quotidie certâ determinatâ horâ instruantur circa diurnum cursum precum, & aliarum exercitationum spiritualium, videlicet quas preces, & quâ intentione quotidie Clerici persolvere teneantur.

In

XXXIV.

In his sufficienter exercitati ad exercitium sacrae quotidianae meditationis tam speculative, quam practice addiscendum inducantur; ad eum ferè modum, qui pro institutione Iuventutis est praescriptus.

XXXV.

Præterea per ordinem de Constitutionibus circa temperantiam, cohabitationem Socialem Clericorum, Communitatem bonorum, separationem mulierum, & denique circa alia hujus Instituti puncta informantur, quantum omnibus communiter scire fuerit necessarium.

XXXVI.

Denique eorum tam homo interior, quam exterior in exercitio virtutum tam speculative, quam practice instituatur, quomodo videlicet virtutes Christianas exercere, & passiones mortificare, quæ item discretionem exterius cum hominibus conversari debeant.

[Præ-

X X X V I I.

Præcipué tamen exerceantur in humilitate, patientiâ, & propriæ voluntatis, bonorumque temporalium abnegatione. Ultimo mense fiat brevis prædictorum recapitulatio, quâ finitâ constantem voluntatem habentes ad exercitia spiritualia inducantur, & postmodum ad iuramentum quatuor substantialium admittantur.

X X X V I I I.

Toto probationis tempore cursum quotidianum cum senioribus observabunt, & insuper singulis septimanis bis, die videlicet jovis, & Sabbathi confitebuntur; die verò Dominicâ & præcipuis festis ad accipiendum robur animæ Sacram Synaxi reficientur. Ut assuescant in reliqua vita sua, ordinariâ cibi, potusque dispensatione esse contenti, regulariter, nisi ægrotent, extra tempus prandij, & cœnæ abstinere.

Quomodo delinquentes in domo Emeritorum accommodandi, ac tractandi sint.

XXXIX.

IN superiori contignatione domus Emeritorum pro Clericis & Sacerdotibus graviter delinquentibus, aut incorrigibilibus separetur locus, & in aliquot cubicula interdistingatur, ita tamen ne emeritis Sacerdotibus molestia, & incommodum causetur; eorum fenestræ ferreis clathris bene muniantur; Januæ clausuram ad prohibendum exitum habeant, ad quem solus superior claves sibi retinebit: medium januæ ad deferendos cibos, aliaque necessaria sic accommodetur, ut possit occludi.

X. L.

Ad honestatem Clericalem salvam conservandam, & veram charitatem ostendendam etiam discoli in domo

Emc-

Emeritorum mediocri victu sustententur; lecto quoque, & alio necessario vestitu, quantum pœnitenei ad conservandam corporis munditiem, concedi potest, non priventur.

X L I.

Cursum quotidianorum exercitiorum spiritualium omnibus huius Instituti Clericis communem quotidie pro se persolvant: reliquum tempus in consideratione, & seriâ detestatione peccatorum suorum, librorum lectione, & voluntariâ ejusmodi exercitiorum susceptione, quæ tum ad expianda peccata, tum ad extirpanda vitia præcipuè conducant, piè, utiliterquè transigant. Capella domestica sic approximata eorum habitationi pateat, ut omnes quotidie per cancellos prospicientes audire sacrum valeant.

X L I I.

Pater eorum spiritualis frequenter eos sermonibus exhortetur ad patientiam

Delinquentes fins in dom. Em. 221
tiam in subeunda statuta, pœnitentia
consoletur pusillanimes, puniat de-
linquentes, compescat insolentes, sin-
gulis octo diebus confiteantur, &
communificent, quod præcipuis anni
diebus festis similiter ipsis permitta-
tur, dummodò digni ad hoc inve-
niantur.

XLIII.

Nemo ad ipsorum colloquium ora-
dinarie admittatur nisi Pater Spiri-
tualis, & Superior, quosquæ admit-
tere eidem Superiori in Domino vi-
sum fuerit. In morbis eorum cura ha-
beatur, eademque charitas exhibea-
tur, quæ superius pro alijs Clericis
infirmis fuit instituta, similiter tra-
dentur mortui, si piè in Domino
obierint.

XLIV.

Quod si quis solidis argumentis
veram emendationem præstulerit,
sufficientemque pœnitentiam super
peccata perpetrata egerit, superior
pro

pro sua discretionē cum præscitu, & consensu Reverendissimi Ordinarij eum liberabit, & cum senioribus vitam degere permittet, si aliò utiliter, & securè & absque scandalo destinari non possit.

N Obis propterea dicti exponentes humiliter supplicari fecerunt, ut sibi in præmissis opportunè providere, & ut infra indulgere de benignitate Apostolicâ dignaremur. Nos igitur eosdem exponentes, quorum strenuos in vineâ Domini labores ad animarum salutem multum utilitatis allaturos esse in Domino speramus, amplioris favore gratiæ prosequi volentes, & eorum singulares personas à quibusvis Excommunicationis, Suspensionis, & Interdicti, alijsque Ecclesiasticis sententijs, censuris, & pœnis à jure vel ab homine

mine quavis occasione vel causâ latis
si quibus quomodolibet innodata
existunt, ad effectum præsentium,
duntaxat consequendum harum serie
absolventes, & absolutas fore censen-
tes, hujusmodi supplicationibus in-
clinati, de congregationis nonullo-
rum ex Venerabilibus fratribus no-
stris S. R. E. Cardinalibus, & aliquo-
rum ex dilectis filiis Romanæ Curiae
Prælatis ad supradictas Constitutio-
nes examinandas á nobis specialiter
deputatæ, quæ rem maturé discussit,
consilio, omnes & singulas Constitu-
tiones præinsertas auctoritate Apo-
stolicâ Tenore præsentium confirma-
mus pariter, & approbamus, illisque
inviolabilis Apostolicæ firmitatis ro-
bur adijcimus, ac omnes, & singulos
Iuris & facti defectus, si qui desuper
quomodolibet intervenerint, supple-
mus. Decernentes easdem præsentis
Litteras, ac Constitutiones præinser-
tas semper firmas, validas, & effica-
ces existere, & fore, suosque plena-
rios

rios & integros effectus sortiri, & obtinere, ac illis ad quos spectat, & pro tempore quandocunque spectabit in omnibus & per omnia plenissime suffragari, & ab eis respectivè inviolabiliter observari; sicque in præmissis per quoscunque Iudices Ordinarios & delegatos, etiam Causarum Palatij Apostolici Auditores judicari, & definiri debere, ac irritum & inane si secus super his á quoquam, quavis auctoritate scienter, vel ignorantè contigerit attentari. Non obstantibus præmissis, ac Constitutionibus, & Ordinationibus Apostolicis, nec non quatenus opus sit quibuscvis etiam juramento Confirmatione Apostolica vel quavis firmitate aliâ roboratis statutis & consuetudinibus; privilegijs quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum Tenores præsentibus pro plenè & suffi-

sufficienter expressis, & ad Verbum insertis habentes, illis aliás in suo robore permansuris, ad præmissorum effectum hâc vice duntaxat specialiter & expressé derogamus ceterisque contrarijs quibuscunque. Volumus autem, ut earundem præsentium litterarum transumptis, seu exemplis, etiam impressis, manu alicujus Notarij publici subscriptis, & sigillo personæ in Ecclesiasticâ dignitate constitutæ munitis, eadem prorsus fides tam in Iudicio, quàm extra illud ubique locorum habeatur, quæ haberetur ipsis præsentibus si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die xvij. Augusti MDCLXXXIV. Pontificatus nostri Anno octavo.

I. G. Slusius.

I N D E X.

Prooemium, Institutifinis n.3. & 4.
Bulla Confirmat. à n.2. ad n.8.

Pars Prima.

Constitutiones pro direct. juvent. &
Seminar. à n.8. ad n.52.

Quà viâ delectus bonæ juvent. haberi
possit, & sub quibus condit. Ado-
lesc. ad Semin. suscipiendi sint. n.8,
ad 11.

Tres classes Adolefc. & illorum obli-
gatio. n.11. ad 18.

Iuramentum n.14. ad 17.

Res Spirit. & aliæ juxta studia. n.18,
ad 28.

Exercitia quotid. frequentatio Scho-
larum, & repetitio n.29. ad 34.

Oeconomica dispositio Seminar. n.
34. ad 36. Distinctio, receptio, &
fundatio. n.37. ad 42. ubinam, &
quales Adolefc. in illis esse de-
beant. n.43. ad.46. Seminar. cura,
& præpositi. n.46. ad 48.

Iura.

Iuramentum omnibus commune, n.48. ad 51.

Ad Episc. &c. promoti, n.51.

Sacerd. noviter ordinati, n.51.

Pars Secunda.

Constitutiones pro direct. Sacerd. in officijs, & benef. existentium, à n.53. ad 191.

Exercitia piet.& Studior.n.53.ad 60.

Substantialia puncta, n.60. ad 63.

Communitas bonorum n.63. ad 79.

Fraterna Cleric. Cohabitatio, n.79. ad 87.

Separatio mulierum à Clericor.cohabitatione. n.87 ad 97.

Superioritas directiva, ejusque principia practica. n.97. ad 113.

Regressus ad Superiores n.113. ad 115.

Ordinationes pro Oeconomis. n.120. ad 130.

Directio Superiorum in specie n.129.

Parochialis, & locorum particul. directio, n.130. ad 141.

Observanda à cohabitantibus, n.138. ad 141.

Di-

Directio decanalis' n. 141. ad 150.
 Præfidis Diœc. num. 152. ad 166.
 Præfidis Archid. directio. n. 166. ad
 178. Præfidis Supremi directio .
 n. 178. ad 191.

Iuramentum n. 154. & 150.

Directiva Superioritas Instituti pu-
 blicæ non præjudicat. n. 189. ad 191.

Pars Tertia.

Constitutiones pro direct. Sacerd. Se-
 num, & inhabil. n. 192. ad 222.

Vtilitas domuum Emeritorum. n. 192
 ad 196. Personæ recipiendæ ad
 easdem, n. 196. ad 199. Ordinatio
 illarum, n. 199. ad 202. Fundatio.
 n. 202. ad 205. Præpositi, n. 205.
 ad 209. Conversatio Clericorum
 ibidem. n. 210. ad 215. Sacerdo-
 res, &c. suscepti in iisdem infor-
 mentur. n. 216. ad 218. Sacerdo-
 res delinquentes sint ibidem. n.
 219. ad 222.

Bulla confirmat. n. 222. ad 225.



I N I S.

